

MEMORUNDUM

PREAMBLE

Kohhran dinna leh inkaihhruaina atan he Danpui (*Constitution*) hi kan siam a, kan nemnghetin December 3, 1996-ah General Assembly-in kan kohhran Danpui atan kan pawm a ni.

1. He pawl hming atan chuan **Mizoram U.P.C.** (United Pentecostal Church of Mizoram) tih a ni ang.
2. He pawl in-register-na chu Aizawl, Mizoramah a awm.
3. A DINCHHAN LEH THILTUM:
 - 1) He pawl bungrua laksawn theih leh laksawn theih loh te, lo awm tawh leh awm zel tur te, pawl hminga a awm zel theih nan a tul anga hma lak zel
 - 2) He pawl hian Fahrah chawmna leh Rethei te tana In sak zel te, Damdawi In (Hospital) siam te, lehkhabu dah khawmna Library siam te, ruihhlo ngai (Drugs Addict) enkawl na tur hmun buatsaih te leh, Isua Krista Chanchin Tha famkim la hre lote hnena hril zel a, pawl din zel leh enkawl zui zelte hi a din chhan leh a thil tum bulpui a ni.
 - 3) Khawvel hmun hrang hranga kan thurin ang thurina neih a, pawmtu apiangte nen inlaichinna tha tak neih.
 - 4) Chanchin ha thehdarhna atan leh kohhran tihnghehna atana thil t̄angkai apiang dap chhuah zel te, Chanchin

Ṭha nena inmawi tawka nung a, thianghlimna uar a, zuk leh hmuam leh ruihtheih thil ṭha lo laka inthiar fihlim a, khawvel sual lak ata inthiar fihlim tura member tinte zirtir leh fuih zel.

- 5) Mi zawng zawng tana inremna kawng zawng te, mihring dikna (Fundamental Rights) humhalh leh sakhaw zalenna vawnhim tlat te, mihring nun pumpui changkanna tura thawh te, thil siam humhalh te, mipui rilru leh ngaihtuahna tihchangkanna tura zirtir te.
- 6) Pawl duhsaktute thilthlawnppek leh ṭanpuinate mi hnen a mi dawn a nih phawt chuan, a petute ngaihtuah lo va lawm taka pawm zel leh ṭanpui ngaite tanpui zel
- 7) Hlawkna um lo va Kristian lehkhabu leh chanchinbu hrang hrang chhuaha thehdarh te, khawl chhutna (lehkha chhutna khawl) Printing Press, Offset, Computer etc te, lehkhabu zawrhna (Book Stall/Book room) siam leh enkawl te, Thlarau lam leh taksa lama mipui hmasawna tura beih te.
- 8) Mipui tana ṭangkai, kohhran lam thil ni kher lo, zirna lam buatsaih, rethei ṭanpui, vanduaiana tawkte chhawmdawl, seminar leh training pek leh a ṭul anga zirna sikul din leh enkawl te.

KOHRAN THURIN

(Doctrine)

Keini **Mizoram UPC** (United Pentecostal Church of Mizoram) te hian Pathian lehkhabu Thianghlim, Thuthlung Hlui leh Thuthlung Tharte hi Pathian thawkkhuma ziak ngei (II Timothea 3:16) a nih ringin, kan chhandamna leh kan rinna leh kan awm dan min kaihruaitu ber atan kan pawm.

KOHRAN THURIN PUAN CHHUAH TE

(Confession)

1. PATHIAN TAK PAKHAT CHU :

Chatuan Pathian, nung reng, thiltihtheihna tawp nei lo, nun danah te, nihna leh tumna lama thianghlim leh Pathianna then theih loh neitu chu kan ring a. He Pathian tak pakhat hi amah ngei chu Pa angin, tlannaah chuan Fapa angin, luanchhuahna lamah chuan Thlarau Thian ghlim angin a inlar a ni (I Korinth 8:6; Ephesi 4:6; II Korinth 5:19; Joela 2:28).

Pathian lehkha thu chuan Pathian a awm tih a finfiah mai bakah, Pathian hriatna hian chin lem a nei lo tih a nemnghetin, a sawiin a puang zawk a ni (Rom 1:19, 21, 28, 32; 2:15). Pathian chu Thlarau a ni (Johana 4:24).

Thupek zawng zawnga ropui ber chu hei hi a ni, “*Aw Israel mite u ngaithla teh u, Lalpa kan Pathian chauh chu Lalpa a ni,*” (Marka 12:29; Deuteronomy 6:4) “*Engkim Pathian leh Pa pakhat chauh a awm a, ani chu*

engkim chungah a awma, engkim fangchhuakin a awm a, engkim chhungah a awm bawk a ni."(Ephesi 4:6).

He Pathian pakhat hi Thuthlung Hluiah chuan kawng hrang hrangin a inlantir a, mihringte zinga a lan lai chuan Fapa angin, Vana a lawn chhoh hnu chuan Thlarau Thianghlim angin a inlantir a ni.

2. PATHIAN FAPA CHU :

Pathian tak pakhat, Thuthlung Hluia Jehova chuan mihring nihna ang a rawn inbel a, mihring fapa angin nula thianghlim Mari lakah a piang a ni. Paula'n "*Tin, Pathian ngaihsakna thuruk chu hnial rual lohin a ropui a ni; tisa a lo lang a, Thlarauva thiam changa, Vantirhkohte hmuh a, Jentailte zinga tlangaupui a, khawvelah hian mite rin a, ropuina a hruai chhoh tak chu,*" tia a sawi ang khan (ITimothea 3:16).

"Amaha mite hnenaha a lo kal a, amah a miten an lawm si lo"(Johana 1:11). Pathian tak pakhat chauh chu tisaah a lo chang a, chu chu Isua Krista a ni "...*Pathianin Kristaah chuan khawvel hi amah nen inremim a siam a, an bawhchhiatna chu bawhchhiatnaah ruatsak lovin"* (II Korinth 5:19)

"Amah (Isua) ah chuan Pathian famkimna tinreng chu taksa neiin a awm reng si a,"(Kolossa 2:9). "*Amahah chuan engkim amah nen inremtir hi Pa lungnih zawng tak a ni si a"* (Kolossa 1:19,20) tih thu te hi kan ring a ni. Chutichuan Isua chu mihrinna lamah chuan mihring a ni Chiang a, a Pathianna lamah chuan Pathian a ni. A tisa chu Beramno emaw, Pathiana inthawina emaw a

ni. "*Pathian pakhat chauh a awm a, Pathian leh mihring inkarah palai pakhat chauh a awm bawk a, amah chu mihring a ni; Krista Isua chu*" (I Timothea 2:5)

Isua chu a Pa lamah chuan Pathian mithianghlim a ni a, a Nu lamah chuan Mihring a ni. Chuvangin Pathian Fapa leh mihring fapa emaw, 'Pathian mihring' tih a lo ni ta a ni.

“*Ani chuan a ke hnuaiah engkim a dah a, nimahsela a hnuaiah engkim dahin a awm,*” a tih hian a hnuaia engkim dahtu chu a tel ve lo tih a lang reng a ni (I Korinth 15:27). "*Tin, a hnuaia engkim dahin a awm hnu chuan Fapa ngei pawh chu a hnuaia engkim dahtu hnuaiah chuan dahin a awm bawk ang. Pathian chu engkim a engkim a nih theihna turin*" (I Korinth 15:28). “*Kei Alpha leh Omega ka ni, Lalpa Pathian Awmmeka leh Awmtawha leh lo la awm tura Engkimtithia chuan a ti a ni.*”(Thupuan 1:8).

3. HMING CHU :

Pathian chuan nihna hrang hrang, Pathian *Elohima* tih te, Pathian *Engkimtithia* tih te, *Elshaddaia* tih te, *Jehova* tihte leh Thuthlung Hluia tlanna lam atana hming bik *Lalpa Jehova* tih te hi a hming a ni.

“*...Kan tan naupang a lo pianga, fapa pekin kan awm ta a... a hmingah chuan Maka, Remruattu a, Pathian chaka, Chatuan pa, Remna lal an ti dawn si a,*”(Isaia 9:6). He Isaia hrilhlawk hi Pathian Fapa hming sak a nih khan hlenchhuah a lo ni ta a. “*Fapa a hring ang a, a hmingah Isua i sa ang; ani chuan a mite an thil tihsual lakah a chhandam dawn si a,*” a ti (Matthaia 1:21). “*Mi dang*

tuma hnenah chhandamna a awm lo; van hnuaia mihring sak zingah min chhandam tur hming dang reng a awm lo,” (Tirhkohte Thiltih 4:12).

4. MIHRING SIAMNA LEH A TLUKNA :

A tirah chuan Pathianin mihring hi sual kai lo leh thianghlim takin a siam a, nimahsela thu awih lohna sual avangin Mihring thlah hmasa ber Adama leh Evi chu an duhthlanna ngeiin an thianghlimna ata an tlu ta a; Eden huan atangin Pathianin a hnawtchhuak ta a ni. Chutiang chuan mi pakhat thu awih lohna avangin khawvelah sual a lo lut ta a ni (Gen.1:27; Rom 3:23; 5:12).

5. SIMNA LEH PIANTHARNA :

Sual ngaihdamna (ngaihhnathiamna) hi simna tak tak, inchhirna leh sual hawisanna avangin chan a ni a, Lalpa Isua Krista rin avangin thiam kan chang a (Rom 5:1). Baptistu Johana'n simna thu a hril a, Isuan a puangzar a, zirtirhote khan Juda leh Jentailte hnenah chu bawk chu an hril ta zel a (Tirhkohte Thiltih 2:38;11:18;17:30).

Simna tih hi *Greek* tawng thumal hrang hrang atanga lak a ni a, a awmzia chu thlir dan / tum dan thlakthleng, rilru thlakthleng, ngaihtuahna thlakthleng, nun dan thlakthleng leh danglam tihna a ni.

Isua chuan, “... *in sim loh chuan in boral vek ang*” a ti a ni. Luka 24:47 ah chuan, “*Ama hmingin simna leh sual ngaihhnathiamna thu Jerusalem khuuaa tanin, hnamtin hnenah an hril ang*” tih a ni.

6. TUI BAPTISMA :

Pathian lehkha thu anga Baptisma chan dan chu hnimpil a niin, sual sim tak zet te, an sualte leh khawvel hmangaihna hawisantute tan chauh a ni (Tirhkohte Thiltih 2:38;8:16;10:48;19:5). Thu awih leh hlen chungin Pathian thu zawm chung leh kan Lalpa Isua Krista hminga Chanchin Tha rawngbawl thei tura ruat ngeiin Baptisma chu a chantir tur a ni (Matthaia 28:19).

7. THLARAU THIANGHLIM BAPTISMA :

Matthaia 3:11 ah chuan Baptistu Johana'n "*...Thlarau Thianghlim leh meiin a Baptist ang che u*" a ti a. Tirhkohte Thiltih 1:5 ah chuan Isua'n "*.. ni rei lotean Thlarau Thianghlim Baptisma in chang ang,*" a ti a. Luka chuan Tirhkohte Thiltih 2:4 ah chuan, "*An zain Thlarau Thianghlimin an khat ta vek a, Thlarauvin a tawngtir ang zelin tawng dangin an lo tawng ta a,*" tiin min hrilh a. Thlarau Thianghlim leh meia baptis tih te, Thlarau Thianghlima khat tihte leh Thlarau Thianghlim pek tihte hi Bible-ah awmze thuhmun, sawi thlakthleng theih vek an ni.

Thlarau Thianghlim pek dawngtute, tikhkahte emaw Baptis-a awm emawte chu taksaa lang chhuak, tawnghriatlova tawngna chang ngei tura beiseina hi Pathian thu kalhman a ni. (Tirhkohte Thiltih 2:4;10:46 ; 19:6). Lalpa chuan zawlnei Joela kaah, "*Mi zawng zawng chungah ka Thlarau ka leih ang*" a ti a ni (Joela 2:28)..

Petera chuan amah ngeiin mak taka a lo chan tawh dan chu hrilhfiahin , "*Thlarau Thianghlim tiam chu Pa*

hnen ata a hmu a, in hmuh leh in hriat hi a (Isuan) han leih a nih hi,” a ti a (TT.2:33).

“A tiam kha nangni tan pawh, in fate tan pawh, hla taka mi zawng zawng tan pawh Lalpa kan Pathianin a hnena a koh apiangte tan a ni e,” a ti baw (Tirhkohte Thiltih 2:39).

8. PATHIAN TIHDAMNA :

Israel fate Aigupta aṅanga hruai chhuah an nih hnua Lalpa'n (Jehova'n) an hnena thu a thlun hmasak ber chu tihdamna thuthlung a ni. Lalpa (Jehova Rapha-Lalpa tidamtu) chuan, *“Lalpa i Pathian aw hi ngun taka i ngaihthlak a, a mithmuha ṭha a tih zawngte i pawm chuan Aigupta chungah hri ka lentir vak angte kha i chungah reng reng ka lentir ve lo vang; kei hi Lalpa a tidamtu che ka nih hi,” a ti a (Exodus 15:26).*

Lehlinna ṭhenkhatah chuan, *“Jehova, tidamtu che (Thy Physician) ka ni,”* tiin an dah a. Ani chu kan tidamtu emaw, daktawr emaw a nih avangin khawvel pumpuia tidam thei bertu kan neih a ni. Kan Lalpa Isua Krista chuan ram chanchin ṭha chu hrilin, mite zingah natna tinreng leh chak lohna tinreng tidamin Galili ram zawng zawng a fang vel a ni tih kan hmu a ni (Matthaia 4:23).

“Isua Krista chu niminah nen, vawiinah nen, kumkhua pawhin a pangngaiin a awm fo vang” tih a ni baw (Hebrai 13:8). Lalpa Isua Krista tuarna tinrengte chu kan taksa tihdam nana pek a niin, kan thlarau chhandam nan pawh a ni nghal a (I Petera 2:24), *“...A vuakna vualte a tihdamin kan awm ta,”*(Isaia 53:5). Matthaia 8:17 ah

chuan, “*Amah ngeiin kan chak lohnate a la a, kan natna te a phur a,*” tih a ni.

Heta țang hian kan taksa tana Pathian tihdamna hi tlannaah khan a ni tih kan hria, chu chu a dik ngei a, tin, ringtu zawng zawng tan a lo ni ta a ni. Isua ringtute chungchang sawinaah, “*Dam lo chungah an kut an nghat ang a, an dam zel ang*” a ti a ni (Marka. 16:18).

Chumi hnu lamah chuan Jakoba chuan kohhran zawng zawngte hnena a lehkhathawnah chuan, “*In zingah dam lo an awm em? kohhran Upa kohtir sela, ani’n Lalpa hminga hriak hnawihin a chungah țawngțai rawh se; tin, rinnaa tawngtaina chuan dam lo chu a chhandam ang. Lalpa chuan ani chu a kaitho ang; tin, thil a lo tihsual tawh chuan ngaihdamsak a ni ang. Chutichuan tihdama in awm theih nan in sualte thupha chawi tawn ula, intawngtaisak tawn thin rawh u. Mi fel țawngțaina chuan thil nasa tak a ti țhin,*” tiin ziaak a ni (Jakoba 5;14-16). Heng thutiam zawng zawngte hi tun lai kohhran tan hian an ni si a.

9. SACRAMENTEMAW INPAWLHONA :

Kan Lalpa mantir a nih zanah khan a zirtirte Kalhlen Kut chaw a ei pui a, chumi hnu chuan sacrament (Lalpa zanriah) hi a siam chhuak ta a ni. “*Tin, chhang a la a, lawmthu a sawi zawhin a phel a, an hnenah a pe a, ‘Hei hi ka taksa in aia pek tur a chu a ni, mi hriat reng nan ti țhin rawh u,’ a ti a. Tin , zanriah eizawhin chutiang bawkin no chu a la a,... ‘He no hi ka thisena thuthlung thar chu a ni, in aia chhuak tura chu’*” a ti a

(Luka 22:19, 20). Paula chuan kohhrante chu hman dan a zirtir a (I Korinth 11:23, 24). Chutiang chuan chhang leh grape rah tuite chu a taksa vuak thitlin tur leh a thisen chhuak tur entirna atan buatsaih a lo ni ta a. Sacrament hian thlarau lam tan awmze thuk tak a nei a ni. Kan Lalpa chu kan bawchhiatnate avangin hliamin a awm a, kan khawlohnate avangin vuak thitlinin a awm a, kan thlamuanna tura thununna chu a chungah a tla a, a vuakna vualtea tihdamin kan awm a ni (Isaia.53:5) tih hre thar leh a, amah chu kan hmangaih theih nan Sacrament kil fo hi a pawimawh a ni tih hi kan ring a ni (Mk.12:30; I Kor.11:26).

10. KESIL :

Kalhlen Kut zanriah chaw kil hnuah chuan Johana 13:4, 5 ah heti hian kan chhiar a, *“A zanriah chaw kil chu a tho va, a puante a dah a, inhrukpuan a la a, a veng a. Tin, maihunah tui a bun a, zirtirte ke a sil ta a, inhrukna puan a ven chuan a hru zel a,”* "Tin, Isua chuan, *'Kei Lalpa leh Zirtirtu mahin in ke ka sil chuan nangni pawhin in ke in insilsak tur a ni. In chungah ka tih ang hian nangni pawhin in tih vena turin ka tihhmuh che u a ni si a,' a ti a”* (Johana 13:14,15).

Kesil hi Lalpa hnena chan kan neih theih nana kan Lalpa min pek a ni a, Pathian tih chhuah ngei a ni. A tihhmuhna hi a zui tlakin ke kan insilsak theuh tur a ni; chutiang chuan inngaihtlawmna kan lanchhuahtir a lo ni ang.

11. NAUHLAN :

Pathian Lehkathuin min zirtir angin fanaute hi Lalpa laka kan rochante an ni a (Sam.127:3-5). Pathian chhandamna an chan theih nana Lalpa hnena hlan hi kan tih makmawh a ni (Lk.2:22-33; I Sam.1:27).

12. THIANGHLIMNA :

Pathian mite chuan Lalpa fate nun dan an lanchhuahtir tur a ni. Pathian thuin min hrilh angin nun dan mawi leh entawn tlakin kan nung tur a ni, "*Mi zawng zawng hnenah chhandamnarawn thlenin Pathian khawngaihna a lo lang ta si a; Pathian ngaihsak lohna khawvel chaknate bansanin, tunlai khawvelah hian insum leh fel tak leh Pathian ngaihsakin kan awm tur a ni tih min zirtir,*"(Tita 2:11,12).

"Krista pawh khan a tuarsak che u avangin hetiang ti tur hian koh in ni asin; a hniak hnung in zuina turin entawn tur a hnutchhiah che u kha. Ani chuan thil reng a ti sual lo va, a kaah ngamthlemna a awm hek lo, mi hauva a awm laiin a hau ve lo va, fel taka ngaihtuah thintua hnenah chuan a inpe zawk a ni" (I Petera 2:21-23). "*Mi zawng zawng nena inremna leh thianghlimna um rawh u, chu mi thianghlimna lovin tuman Lalpa an hmu lo vang,*"(Hebrai 12:14).

"A kotu che u a thianghlim angin nangni pawh in chetzia zawng zawngah lo thianghlim zawk rawh u, nangni in thianghlim tur a ni, kei ka thianghlim si a," tih ziak a nih kha. "*Tin, thlei bik nei lo va mitin hnathawh ang theuhva ngaihtuahtu chu Pa anga in lam chuan*

heta in cham chhung zawng tih dekin awm rawh u, thil chhe thei, tangka leh rangkachaka tlan in ni lo va, Beramno hmelhem lo leh bawlhhlawh kai lo thisen anga Krista thisen hlu chuan tlan in ni zawk tih in hre si a,”(I Petera 1:15-19).

Kan mite chu thil engpawh Kristianna tha atan leh Pathian mi nihna atana tangkai lo heng ang : lemchanna hmun te, lamna (khawvel lam thila lam) te, inchei lepler (inhnawih) te, taksa thil mawi lo taka tilang thui zawnga inchei te, khawvel thil taka infiamna leh intihhlamna (huauhuau) te, Radio Programme leh zai lam thianghlim lote laka insumkar lo mite chu kan duh lo tak zet a ni. Chumi bakah kuhva ei te, vaihlo eng chi pawh zuk te, ruih theih lam inte leh tawng mawi lote hi khap tlat an ni. Kan mite zawng zawng chu thlarau nun tihhmasawn nan leh a kohhran tana kan Lalpa lo kalna hnai tawh tak avangin heng thil chin tha lote laka insum turin kan fuih tak meuh a ni.

13. PATHIAN KHAWNGAIHNA :

Pathian Lekhathu chuan, "*Mi zawng zawng hnenah chhandamna rawn thlenin Pathian khawngaihna a lo lang ta si a. Pathian ngaihsak lohna leh khawvel chaknate bansanin tun lai khawvelah hian insum leh fel tak leh Pathian ngaihsakin kan awm tur a ni,*" tih min zirtir a (Tita 1:11-13). "*Dan thu Mosian a pe a, khawngaihna leh thu tak Isua Krista avangin a lo awm*"(Johana 1:17).

Kristian chu invawng him turin, Pathian nena lengdun tur a niin, Pathian hmangaihnaah a inkawltir tur a ni (Juda 21). Khawngaihna awmzia chu duhsakna a ni. Miin a

bawhchhiat a, Pathian laka a sual chuan a duhsakna a chan (hloh) a ni. Thil sual a tih zawm zel a, a sim loh chuan a tawpah a bo hlenin meidilah paih a ni ang (Johana 15:2,6; II Petera 2:20-22). Juda pawhin a hun laia hnungtawlhthe leh an lawmman thu a sawi a ni (Hebrai 6:4-6).

14. ENKIM SIAMTHATNA :

Engkim siam that thu hi Pathianin leilung piantirh ata a zawlnei thianghlim awmte kain a sawi tawh tih Pathian lehkha thu zirtir tur a ni tih min hrilh a ni (Tirhkohte Thiltih 3:21). Ramhuai lal leh a tirhkohte leh mi sual zawng a huam vena erawh chu kan hmu lo (Thupuan 20:10).

15. A RUKA PAWL DING TE :

Pathian thu angin Pathian mite chuan a ruka pawl dinah emaw, pumkhata inhlawm reng reng, ring lo mite nena inpawlhona ang chi, chhechham meuhva inphuar khawmnaah te chuan inzawmna an nei tur a ni lo tih hi kan ringin kan pawm nghet tlat a ni (Jakoba 5:3-7; II Kor 6:14-18).

16. MI THIANGHLIMTE TIHDANGLAMNA :

Kan Lalpa lo lanna hun chu a hnai tawhin kan ring a, chutih hunah chuan Kristaa thi tawhte chu an tho ang a, keini nungdama lo la awm rengte pawh boruakah Lalpa hmuak turin anmahni rualin lakchhohvin kan awm ang.(I Thes.4:13-17; I Kor.15:51-54; Phil 3:20,21).

17. INNEIH LEH INMAK :

“Tupawh tlangval ngaih vang ni lova nupui ma a mi dang nei apiang chu uire a ni” tih Matthaia 19:9;5:32-ah

kan hmu. He sualna hi tih a lo nihin tisuallotu zawk chuan Lalpaah mi dang neih leh theih a ni. Rawngbawlina atana nun dan sang zawk chawikang turin rawngbawltute chuan nupui nei nawn tawh lo sela tih chu kan duh dan a ni. “*Rorelna chu Pathian chhungteah hian tan a ni.*”(I Pet.4:17).

18. SAWMAPAKHAT THU :

Sawmapakhat pek hi Pathianin a mite tana a sum ruahmanna thuk tak a ni tih hi kan ring a. Abrahamahun lai ata lo intan a ni tawh. Abrahamahun lai chuan Sawmapakhat pek chu rinna nen a inkawp a, Mosia danah chuan thupek a rawn ni a, Pathian mit an tlun lai chuan Israel-te khan an pe reng a. Isua pawhin a nemnghet a (Matthaia 23:23). Sawmapakhat hi Lalpa chanpual a ni a, a pe lo chuan a ruksak a ni (Malakia 3:8-11; Hebrai.7:4-10).

19. ISUA LOKAL VAWIHNIHNA :

Isua chu vana a lawn lai ang chiah khan taksain a vawihnihnaah a lo kal leh dawn tih amah (Lalpa Isuan) ngei khan Chiang takin a tilang a; zirtirte pawh khan kohhran din tan laiin an hrilhin an zirtir thin a. Chuvang chuan tun laia Pathian fate pawh hian thil ropui tak lo thleng tur chu thahnemngai tak leh beiseinaa khatin an thlir reng a ni (Mathaia 24; Tirhkohte Thiltih 1:11; 13:29-37; I Korinth 11:26; Philippi 3:20,21; I Thessalonika 4:14-17; Tita 2:13,14).

20. KUMSANG ROREL :

Kan Lalpa Isua Krista chu a mite nen kum sang rorel turin a lo kal leh ngei dawn a ni tih hi kan ring a ni (Thup.20:4).

21. RORELNA HNUHNUNG BER :

Kum sangkhat chu a vei hnuin mitthi zawng zawng thawhlehna a awm ang a, anni hi chu an tana rorelna hnuhnung ber tur Lal̄thutphah var lianpui hmaah koh an ni ang a; tin, tu hming pawh Nunna bua chuang lo apiang chu meidil kata kangah chuan Pathianin Setana leh a tirhkohte tana a buatsaihah chuan paih an ni ang a, Setana ngei chu paih hmasak ber a ni ang (Matthaia 25:41; Thupuan 20:7-15; 21:18).

KOHRAN THUVAWN

(Creet)

He kohhran thurin leh inngahna bulpui ber chu Bible-in chhandamna famkim a tih simna te, sual ngaihdam nana Lalpa Isua hminga tuia hnima in-baptis te leh, Thlarauvin a ṭawngtir ang zela ṭawngghriatlohva ṭawng theihna telin, Thlarau Thianghlim Baptisma hi a ni.

Rinna hmunkhata kan luan za hma chu Thlarauva inpumkhatna kan zawng fovin, inpumkhat lohna thlen thei hiala an ngaihdan inan lohna a inhnial lo hram turin kan unaute chu kan zilhhau tur a ni.

.....

BUNG - I

Part - I

RAWNGBAWLNA

Section - 1:

RAWNGBAWLTU (LICENCE HOLDER)

NIH THEIHNA :

1) Mi tupawh Mizoram UPC a rawngbawltu ni tur chuan Tirkhohte Thiltih 2:4; 10:44-46; 19:1-6 a a sawi angin Thlarauvin a ṭawngtir ang zela ṭawnghriatlohva ṭawngna Thlarau Thianghlim baptisma chu a chang ngei tur a ni.

2) Tirkhohte Thiltih 2:37,38 a mi angin Lal Isua ringa soal sim a, soal ngaihdamna Lalpa Isua hminga tua hnimphumin baptisma a chang ngei tur a ni.

3) Thlarau Thianghlim baptisma leh soal ngaihdamna Lalpa Isua hminga tua hnimphuma baptisma a ringin a zirtir bawk tur a ni.

4) Kristian nun dan dik taka nung mi leh Mizoram UPC dan leh inkaihhraina pawm tlattu leh zawmtu a ni ngei tur a ni.

5) Sawmapkhat ṭha taka pe mi leh zuk leh hmuam, ruih theih thil laka inthiarfihlim a ni ngei tur a ni a. Hetiang mi ni lo chu Licence pek theih a ni lo vang.

6) Licence dilna form-a zawhna te kim tak leh dik taka a chhan hnuah leh interview te a zawh vek hnuah pawmsak a nih chuan licence pek a ni ang.

Section - 2 :

MINISTERIAL LICENCE

1) Ministerial licence nei tur chuan kum 21 a tling ngei tur a ni a, kum 21 aia naupang chu licence pek theih a ni lo vang.

2) Ministerial licence diltu chu a tlem berah tualchhung kohhranah kum 2 chhung tal rinawm taka lo awm tawh a ni tur a ni. Rawngbawltu puitling, kohhran dang a tanga lo lutte chu a tui dan anga ngaihtuah theih a ni ang.

3) Diltuin General Headquarters-in dilna form a siam sa hmanga a dilna chu a lawina tualchhung kohhran leh bialin uluk taka an ngaihtuah a, hmu tlaka an ngaih chu District-ah an thlen ang a, District-in pek tlak ngei nia a hriatte chu thutawp siam nan Executive Committee kutah a thlen ang.

4) Kohhrana rawngbawltu, thuhiril mi ni lo hnenah licence pek a ni lo vang.

Section - 3 :

ORDINATION LICENCE :

Pastor hna kum 3 fulltime a thawk tawh chin chuan Ordination Licence an dil thei ang a, Pastoral Board-in pek tlaka a ngaih, Executive Committee-in a pawmte chu pek an ni ang a, General Assembly laiin General Superintendent-in a nemnghet (ordained) ang.

Section - 4 :

LICENCE CHUNGCHANGA DAN TE :

1) Tupawh, '*Chhandam tawh a bo leh theih tawh loh,*' tih zirtirna thu pawm leh hril apiang chu Licence tihtawpsak an ni ang.

2) Licence-ah leh Fellowship Card -ah reng reng General Superintendent leh General Secretary hming ziaak (signature) a chuang ngei tur a ni.

3) Licence leh Fellowship Card hi General Headquarters atanga pek ni lo chu pawm a ni lo.

4) Tupawh kohhran atanga ban emaw, bang emaw te licence chu a thi nghal hmiah ang. Rawngbawlna chawlhirtirte licence chungchang chu Executive Committee-in a ngaihtuah ang.

5) Nupui pasal nei tawh si, thihna vang emaw, uirena vang emaw ni lo va, nupui pasal then tawh hnenah chuan engti kawng mahin licence pek theih a ni lo vang. Hei hian UPC-a awm hma a huam lo vang.

6) Licence neitu chu a lawina kohhranah leh bialah rawngbawltute thawhpuitu rinawm tak a ni tur a ni. Nauhlan leh Baptisma rawngbawlna an ti thei ang.

Part - II

THU ZAWM TUR TE

Section - 1.

RAWNGBAWLTU INRAWIH TAWNNA:

1) Pastor (Rawngbawltu) tute pawh tualchhung kohhran danga member tuten emaw an kohhranah inkhawmpuina neihpui turin lo sawm ta sela, chu sawmna chu a sawmtute Bialtu Pastor leh kohhran committee ten an remtihpuina a awm hmasak loh chuan a pawm mai a rem lo vang.

2) Bialtu Pastor ten an awmna bial pawn lama rawng an bawl dawn chuan emaw, bial dangah an zin dawn emaw a nih pawhin General Superintendent remtihna an la hmasa tur a ni. Thil hmanhmawhthlak bikah chuan Bial hruaitute remtihna a la tur a ni..

3) Rawngbawltu (Licence Holder) tupawh kohhran buai awm mekah emaw, kohhran fel chiah lo vah rawngbawl turin Pastor emaw, member tuten emaw pawhin lo sawm ta sela, General Superintendent phalna lo chuan chu sawmna chu a pawm mai tur a ni lo. Thil hmanhmawhthlak bikah chuan District hruaitute remtihna a la tur a ni.

Section - 2.

KHAPNA LAM THIL :

1) Rawngbawltu Pastor leh Licence nei reng rengin a kohhran enkawl na hna chu lo bansan ta sela emaw, amah chu ban emaw sawn emaw lo ni ta sela, chu a kohhran chhuahsan takah chuan inhnamhnawihna reng reng a nei tawh tur a ni lo va. Mi dangte pawhin amah rawn thlaktu remtihna lo chuan thurawn an lak pawh phal a ni lo vang.

2) Rawngbawltu licence dil lai mek emaw, licence nei rawngbawltu tute pawhin dan kalha thil tih emaw lo nei ta sela, District-in an chungthu chu tualchung/Bial report-na dungzuiin an ngaihtuah ang.

3) Rawngbawltu licence neite reng reng chu a ruk a rala pawl din ang chi-ah chuan a tel ve tur a ni lo. Chutiang an tih ve chuan an licence leh an rawngbawl na neih phalsak a ni lo vang.

4) Licence nei leh full time-a hnathawkte reng reng chu eng political party-ah mah nihna chanvo neiin an tel tur a ni lo. MP, MLA, MDC, VC etc. ahte tel leh candidate phal a ni lo. Hetiang lama inhnamhnawih chuan a licence kawl lai leh a nihna aṭanga banna General Superintendent kutah a pe lut tur a ni.

5) Mizoram UPC insawrkarna hnuaiia fulltime a thawktute leh Licence neitute zawng zawng chu zuk leh hmuam, ruih theih lam thilah a inthiarfihlim tur a ni. Pastor nupuite pawh zuk leh hmuam lakah inthiar fihlim tura beisei an ni.

6) Tualchhung Kohhran Committee aṭanga General thlenga nihna dinhmun pawimawh chelhtute reng reng chu zuk leh hmuam leh ruih theih lam thil ṭha lo laka inthiarfihlim mi ni ngei tura beisei an ni.

Section - 3 :

Rawngbawltu (Licence nei) chungchang reng reng an rawngbawlina level ang zela kohhran rorelnain a relin chunglam rorelnaah thlen tur a ni a, Thu tawp chu Executive Committee-in a siam tur a ni

Section - 4 :

NUN DAN DIK LO:

Rawngbawltu Licence nei tupawh ruk ruk, zuruih, drugs tih vang emaw, uirena emaw, inngaihna sual emaw te a tlu a ni tih hriat chian a nih chuan a licence chu tihtawpsak nghal a ni ang a, pek leh theih a ni tawh lo vang. Amaherawhchu

hetiang ni lo va Politics leh thildang avanga licence lo tawp tawh te chu licence pek leh theih a ni ang a, amaherawhchu a hnuai mite hi a zawm phawt tur a ni.

- 1) Kum 3 a ral hnuah dil dan pangngaiin licence chu a dil ve leh tur a ni.
- 2) Dinmun pangngai a awm lehna tur leh licence a dilna chu pawm a nih hmam kum 3 pumhlum a ral zet tur a ni. Hetianga rawngbawltu lo chawl tawh lakluh leh te reng reng chu Ordination licence pek theih a ni lo vang.

Part - III

INNEIH LEH INTHEIN CHUNGCHANG

Section - 1 :

INNEIH DAN :

- 1) Inneih tirtu:
 - a) Nemngheh tawh rawngbawltu chauh chu India dan chhunga inneihna dan chi hrang hrangahte inneih tirtu phal a ni.
 - b) Indian Christian Marriage Act hman lohna hmun State-ah chuan Bialtu Pastor chinin inneih tirtu theih a ni ang.

Section - 2.

INNEI TURTE CHUNGCHANG;

- 1) Mizoram UPC member dik tak ve vete chu kohhran dan thianghlamin an inneih tirtu theih ang.

- 2) Pawl dang (thurin dang) miin kan kohhran member, nupui pasala neih a duh chuan Isua hmingin Baptisma a chang ngei tur a ni. Baptisma chan hmains Rawngbawltuten thurin leh kohhran kalphung an hrilh hmasa ang a, Baptisma a chang tur a ni. Isua hminga Baptisma chang lote chu Isua hmingin a inneihtir theih loh vang.

Section - 3.

INNEIH DAN:

- 1) Kohhran dana innei turte chuan tualchhung kohhran remtihna an la hmasa vek tur a ni.
- 2) Kohhran dana innei turte chuan a rei lo berah chawlhkar khat chhung lehkha an tar tur a ni. Khaw hrana awm an nih chuan mahni awmna kohhranah tar ve ve tur a ni ang,
- 3) Chawlhkar khat chhung lehkha tar emaw, hriattirna puan hman loh (emergency) thil a nih pawhin tualchhung Kohhran Committee remtihna dungzuiin inneih theih a ni ang.
- 4) Inngaihna suala lo tlu tawh leh lo inru hmasate tan inneihna lehkha tar phal a ni lo. Amaherawhchu inngaihna suala lo tlu tawhte chuan an awmna kohhran Committee-ah inneih phalna an dil ang a, kohhranin a phalsakte chu Biak Inah Isua hmingin an innei thei ang a; Kohhranin tha a tih chuan hmun dangah pawh an innei thei ang.

Kohhran Dan thianghlim tlin lo va inneite chu Lalpa Isua hminga an inneihna hian rawngbawlna phalsak an nihna a kawh chuang lo vang

- 5) Inneihna reng rengah Monu leh Mopa chuan an thian atan Mizoram UPC ngei an hmang tur a ni.
- 6) Kohhran dan anga inneite chuan zungbun an hmang tur a ni.
- 7) Inneihna sawngbawl reng reng hi insen hautak lo thei ang bera buatsaih ni thin se, chu chu kohhran duh dan a ni.

Section - 4:

NUPUI/PASAL INTHEN THEIHNA DAN TE:

- 1) Inneihna hi Pathianin a lo nemnghet tawh a (Gen.2:23-25;Marka 10:6-8),vawikhat inneih chuan inthen a thiang tawh lo. Amaherawhchu thihna avang leh uirena avang chuahvin inthen theih a ni. Matthaia 5:23; Marka 10:9.

2) *Bible dan ang lo va inthente chungchang :*

Mi tupawh kohhran dan anga innei tawh chhungkaw chungchang emaw, nupa chungchang emaw avanga bungrua leh sum leh pai thlenga inthen felna nei (an hnam dan angin) rawngbawltuten kohhran hminga an koh pawha kir leh duh tawh lote chu inthena ngaih an ni ang.

Section - 5:

Inthenna avanga rawngbawltu dinhmun :

Pathian rawngbawlna hi khawvela hna sang ber a nih avangin rawngbawltu tupawh in ngaihna vang emaw, uirena vang emaw ni lo va nupui pasal then chu rawngbawltu atan an tlak tawh lo.

Section - 6 :

NUPUI/PASAL ṬHENA MI DANG

NEIH LEH THU :

- 1) Nupui/pasal inneihna thua nupui emaw, pasal emaw thihna leh uirena avanga inṭhena thiam chang zawkte chu nupui/pasal a neih leh phalsak theih a ni ang.
- 2) Mi tupawh he kohhran member dik tak te, inngaihna emaw, uirena avang ni lo va inṭhente chu kohhran dana mi dang neih phal a ni lo. Amaherawhchu, miin nupui/ pasal neih leh a duh chuan a nupuiin emaw a pasalin emaw mi dang a neih hnu chauhvin Isua hminga mi dang neih leh phal a ni. 'Midang neih' tih hian man leh mual inpe kher lo pawh a huam ang.

Section - 7 :

Kohhran dan lo va inneite chungchang:

- 1) Pentecost kohhran member te chuan an fanu / fapa Pentecost kohhran member te chu kohhran pawldang leh sakhaw dang dan anga nupui / pasal an neihtir phal a ni lo.
- 2) Kohhran member tupawhin ama phalna ngeia a fanu/ fapa kan kohhran dan ang ni lova nupui/pasal a neihtir chuan kum 1 chung a rawngbawlna chawlhtir tur a ni. Kum 1 a ral hnuah a ṭul dan angin tualchung kohhran Committee-in rawngbawltu atan a la lut leh thei ang.

BUNG - 2

Part I

GENERAL

Section - 1 :

GENERAL ASSEMBLY:

Mizoram UPC inrelbawlna leh inenkawlna tinrenga thuneihna sang ber neitu chu General Assembly a ni.

- 1) General Assembly hi kum tin vawi 1 neih tur a ni a, remchan lohna a awm a nih chuan thla 15 chhungin neih ngei tur a ni.
- 2) A hun leh ni chu General Assembly-in a rel fel thin ang.

Section - 2 :

ROREL THEI PALAITE CHU:

- 1) General Puipate leh District hrwaitu (O.B.) te.
- 2) Bialtu Pastor, Bial Chairman, Bial Secretary, Bial Treasurer, Pastor Pension te.
- 3) General huapa Department, Committee /Board member apiang te.
- 4) Kohhran tin atanga palaite. Kohhran member tam dan azirin palai tirh theih zat hetiang hi a ni :
Member 100 hnuai lam tan palai 1
Member 101-200 tan palai 2
Member 201-300 tan palai 3
Member 301-400 tan palai 4

Member	401-500	tan palai	5
Member	501-600	tan palai	6
Member	601-700	tan palai	7
.....chutiang zelin.			

Kohhran aiawh palai atan hian Licence nei emaw, Upa emaw Tual Upa emaw zing a mi ngei an ni tur a ni.

5) Pastor pension tawhte.

Section - 3 :

THU NGAHTUAH TURTE (AGENDA):

- 1) Official
- 2) General Assembly report atanga bawhzui ngai te
- 3) District khawmpui
- 4) Executive Committee
- 5) General huapa Department leh Board te chuan Executive Committee kaltlangin Agenda an nei thei ang.

Section - 4 :

NOMINATION COMMITTEE:

General Assembly thu ngaihtuah turte lo thliar fel a, lo thliar hmasatu tur Nomination Committee chu:-

Chairman - Executive Chairman

Secretary - General Secretary

- Memberte:
- 1) General Superintendent
 - 2) General Treasurer
 - 3) District Superintendent theuhte
 - 4) Agenda ngaihtuah rih loh atana thaa an hriatte chu Agenda neitute

hnenah ngaihtuah nawn leh turin an
thawnkir thei ang.

Agenda reng reng General Assembly thlen hma ni 15
aia tlai lovah General Secretary kutah a lut vek tur a ni.

Section - 5 :

THU TIHTLUKNA:

- 1) Thu tih tlukna reng reng chu vote hmanga tih vek tur a ni.
- 2) Palai kal tam zawk (simple majority) duh dan anga tihhluk tur a ni.
- 3) Vote in zatah chuan thum vawra tih tluk tur a ni.
- 4) Thu tih tlukna turah buk tur a nih chuan rawttu leh thlawptu an awm ngei tur a ni a, thlawptu nei lo rawtna chu buk theih a ni lo vang, tin rawttu leh thlawptu hming hi minute-ah ziah lan loh tur a ni.

Section - 6 :

ASSEMBLY REPORT:

General Assembly-ah hengte hian report an pe thin ang:-

- 1) General Secretary
- 2) General Treasurer
- 3) Departmental Secretary te
- 4) District Secretary te

Section - 7 :

GENERAL ASSEMBLY HRUAITUTE :

- 1) Executive Chairman chu Chairman a ni ang (General Assembly rorelnaah)

- 2) Mizoram UPC General Secretary chu General Assembly Secretary a ni ang
- 3) Mizoram UPC General Treasurer chu General Assembly Treasurer a ni ang.

Section - 8 :

MIZORAM UPC PUIPATE :

Mizoram UPC Puipate chu hengte hi an ni :

- 1) Executive Chairman
- 2) General Superintendent
- 3) General Secretary
- 4) General Treasurer

Section - 9 :

PUIPATE NIH THEIHNA:

- 1) *Chairman* : Kum 40 aia naupang lo, Licence nei emaw Upa emaw a ni tur a ni.
- 2) *General Superintendent, General Secretary, General Treasurer:*
 - (a) Kum 35 aia naupang lo a ni ngei tur a ni.
 - (b) Pastor full time-a thawk ngei, a rei lo berah Ordination Licence neih hnua kum nga tal thawk tawha ni ngei tur a ni.

Section - 10 :

HNA CHELH HUN CHHUNG :

- 1) General huapa puipa leh hrulaitute term chu kum hnih a ni.

- 2) Mizoram UPC puipate chuan a zawnin an post ngai term hnih an chelh thei lo vang.
- 3) General hrulaitute an aiawhtu tur ruat/thlan an nihin, an term a tawp aṅanga ni 20 ral hma ngeiin a tharte hnenah charge an hlan ngei tur a ni (An term tawp tih awmzia chu, an hna an zawm ni chhiar tela thla 24 tlin ni kha a ni).

Section - 11 :

PUIPATE THLAN DAN:

- 1) Puipate thlang theitu chu Executive Committee memberte chauh an ni.
- 2) Puipate thlan chu Executive Chairman-in a kaihruai ang a, vote chhiar a, tifeltu tur mi 3 aia tam lo a ruat thei ang. Vote chhiartute chuan an vote chhiar tawh sa chu an inchhiar nawnsak ṅhin tur a ni.
 - a) Inthlanna chu secret ballot-a neih tur a ni.
 - b) Vote tla zawng zawng hmun thuma ṅhena hmun hnih hmu phak chu tlinga puan tur a ni.
 - c) Vote tla hmun thuma thena hmun hnih hmu phak an awm loh chuan vote hmu sang pathumte aṅanga thlan nawn leh tur a ni a. Vote zawng zawng hmun thuma ṅhena hmun hnih hmu phak an awm loh chuan a sang pahnihah vote thlak leh tur a ni a, a vote hmu sang zawk zawk chu tlinga puan tur a ni.
 - d) An vote a la inzat leh a nih chuan ṅhum vawra tihfel tur a ni.

BUNG - 2
PART - II
GENERAL HUAP BOARD LEH
COMMITTEE HRANG HRANGTE

Section - 1:

GENERAL HUAP BOARD CHAIRMAN-A RUAT THEIHTE:

General level-ah Department emaw Board hotu ber (LAD tiam lovin) Chairman / President etc. chu Licence nei emaw, Upa emaw a ni ngei tur a ni.

Section - 2 :

EXECUTIVE COMMITTEE

1) Hengte hi Executive Committee hruaitu leh member te chu an ni :-

Chairman: Executive Chairman

Secretary: General Secretary

Treasurer: General Treasurer

Member te :a) General Superintendent

b) District Committee-in kum 2 atan Executive Committee-in an aiawh an rawn thlan mi 2 theuhte leh District Superintendent leh District Chairman te.

c) Executive Committee-in a bika a ruat mi 4 te

- d) General huap Department leh Board General Assembly-in a pawm chin Chairman/President theuh te (LAD tel lovin)
- e) Puipate an term tawp hnuah term khat chhung Executive Committee member an la ni zui ang

2) *A mawhphurhna leh tihtur te :*

- a) General Assembly-in tihtur a tih bawhzui
- b) General huap Board chi hrang hrang leh General level Department hruaitu tur kum hnih atan an ruat / thlang thin ang.
- c) Executive Committee member ruat
- d) Assembly karlaka thu hmanhmawh awmte ngaihtuah.
- e) Ministerial leh Non-Ministerial staff lak leh chawlhtir ngaite chawlhtir leh An service chungchang ngaihtuah.
- f) Financial Board-in budget a duan lo ennawn leh Assembly pawmpui tura thlen.

Section -3 :

PASTORAL BOARD:

- 1) Hengte hi hruaitu leh memberte an ni ang:
 - Chairman: General Superintendent
 - Secretary: General Secretary
 - Memberte: a) Executive Chairman
 - b) General Treasurer

- c) District tin aṅanga an thlan mi 1 theuh
- d) Sub.Pastoral Committee Chairman
- e) Executive Committee-in a ruat member 5(panga)

2) *A dinhmun leh tih tur:*

- a) Pastorte sawn chungchanga thuneitu a ni
- b) Pastor lak turte uluk takin a lo thlir lawk ang a, tha a tih ang chu Executive Committee-ah a thlen ang. Executive Committee chuan a nghet lovin Pastor chu a la ang a, kum thum chinah nemngheh tlak leh tlak loh Pastoral Board-in a enfiah ang a; thutawp chu Executive Committee-ah a thlen ang.
- c) Pastor te chungchanga thubuai a awmin a ngaihtuah ang a, a rel fel thin ang. Thu harsa zual leh banna hial thlen thei thubuaiah chuan thutawp siam turin Executive Committee-ah a thlen thin ang
- d) Ordination licence diltute chu interview te neihpuiin pek tlaka a ngaihte chu Executive Committee ah a recommend ang.

Section - 4 :

PLANNING & FINANCIAL BOARD :

- 1) *Hruaitu leh member te chu hengte hi an ni:-*
Chairman chu Executive-in a ruat/thlang thin ang
a. Secretary chu General Treasurer ding lai apiang an ni ang a. member turte chu Executive-in mi pasarih a ruat/thlang ang a. Heng bakah hian Puipate chu member an ni nghal bawkw ang.

2) *Thuneihna leh dinhmun:*

Kohhran sum leh pai enkawlna kawnga mawhphurtu a ni a, a thil ruahmante chu Executive Committee-ah a thlen thin ang. Budget a ruahmanin Department Budget pawh a enpui vek ang a, tin, sum leh pai chungchanga thubuai awmah pawh General Assembly/Executive Committee ah a thlen ang.

Section - 5 :

LITERATURE & PUBLICATION BOARD :

1) *Hruaitu leh member te :*

Chairman : Executive Committee-in a ruat

Secretary : Executive Committee-in a ruat

Treasurer : Executive Committee-in a ruat

Members : 1) Puipate

2) Executive Committee-in a ruat member 12

2) *A dinhmun leh mawhphurhna:*

Mizoram UPC hminga lehkhabu emaw chanchinbu emaw chhuah tur chungchanga thuneihna neitu a ni.

Section - 6 :

APOSTOLIC THEOLOGICAL INSTITUTE BOARD :

1) *Hruaitu leh member te :*

Chairman : Executive Committee-in a ruat apiang

Secretary : Executive Committee-in a ruat apiang

Treasurer : Executive Committee-in a ruat apiang

Members : 1) Executive-in a ruat member 7 aia tlem lo, 12 aia tam lo.

2) Puipa te

2) *A dinhmun leh mawhphurhna :*

Mizoram UPC hnuai Pathian thu zirna lam kawnga thuneitu a ni.

Section - 6 :

Heng a chung a tarlan bak hi General Assembly-in t̄ul a tih angin Board / Committee a din zel thei ang.

Section - 7 :

Heng Board / Committee te hi an term chu kum 2 a ni ang.

PART - III

MIZORAM UPC PUIPATE THUNEIHNA CHIN LEH DINHMUN

Section - 1 :

EXECUTIVE CHAIRMAN:

- 1) General Assembly rorel inkhawm leh Executive Committee a kaihruai t̄hin ang.
- 2) Pui pate thlanna a kaihruai (ho) ang.
- 3) District/Bial khawmpui leh Board chi hrang hrangah a awm remchan lai a nih chuan member a niin a tel t̄hin ang.

Section - 2 :

GENERAL SUPERINTENDENT :

- 1) Assembly hnuai a full time-a kohhran hruaitu lu ber a ni.

- 2) General Assembly lain rawngbawltu nemngheh rawngbawlna (Ordination Service) a nei thin ang.
- 3) General huapa Board leh Committee hrang hrang thurelte kengkawhtu ber a ni
- 4) Kohhran Certificate pawimawhah leh licence-ah hming tumtu ber a ni ang.
- 5) Pawlho inpumkhatna atan leh thlarau lama hmasawna atan theihtawp chhuahin hma a la ang.
- 6) District hruaitute inthlanna chu a ho thin ang.
- 7) General Assembly Pathian biak inkhawm Chairman a ni ang.

Section - 3 :

GENERAL SECRETARY:

- 1) General Superintendent kawng tinrenga thlawptu leh thawhpuitu a ni
- 2) Kohhran ding thar reng reng a hnenah report pek vek tur a ni
- 3) Pawl aiawha intawhkhawmna kohte leh thurel ziate a thawkin record fel takin a vawng ang.
- 4) Kohhran bungrua record fel takin a vawng ang

Section - 4 :

GENERAL TREASURER :

- 1) General Treasurer chuan Assembly/Executive Committee-in sum leh pai enkawl na dan a siam angin sum leh pai fel takin a enkawl tur a ni.
- 2) A tul apianga puipa dangte thawhpuitu leh thlawptu a ni.

PART - IV

BUNGRUA (PROPERTY) CHUNGCHANG

Mizoram UPC zawmtu kohhran zawng zawngin a hnuaiia mi ang hi bungrua (property) chungchangah an zawm ngei tur a ni.

1. Bungrua lak sawn theih (moveable property) emaw lak sawn theih loh (immoveable property) a neih te, tun hmaa lo awm tawhte nen lam Mizoram UPC ta a ni vek ang a. Mizoram UPC General Secretary (nihna) hminga dah leh enkawl vek tur a ni.
2. He mi chungchanga thu tawp neitu (Competent authority) chu General Assembly a ni ang.
3. Bungruate hi General Assembly aiawhin Tualchhung kohhran, Bial leh District tinten anmahni kuta mi chu an enkawl ang.
4. Mizoram UPC insawrkarna atanga paih chhuah emaw chhuahsan emaw reng rengin eng bungrua engmah an chuh thei lo vang.
5. Tualchhung, Bial leh District tin ten General Assembly remtihna lo chuan bungrua sawn theih loh (immoveable property) engmah a tiral thei lo vang. Amaherawhchu, bungrua lak sawn theih (moveable property) tihral chungchangah erawh chuan kohhran

kal lai tana tha zawk tur lam hawiah chuan anmahni rorel khawl theuh te (i.e. Tualchhung Kohhran Committee, Bial Committee, District Committee) remtihain a tiral thei ang.

PART - V

SUB-OFFICE CHUNGCHANG

Executive Committee-in tul a tihna hmunah Sub-Office a hawng thei ang, a duty pawh a siamsak ang.

BUNG - 3

PART - I

DISTRICT

Kohhran insawrkarna mumal zawka a kal a, chak zawka hmasawwna kawng zawh a nih theihna atana General Assembly kut leh keah țang a, kohhrante enkawl turin District hi a awm a ni.

Section - 1 :

District hi din a, țhiat a, tidanglam theitu chu General Assembly a ni.

Section - 2 :

A huam chin : District-in a huam chin chu General Assembly-in a tih ang ang chu a ni ang.

PART - II

DISTRICT INKHAWMPUI

Section - 1 :

District huam chhunga rorelna sang ber chu District Inkhawmpui hi a ni.

Section - 2 :

District Inkhawmpui hi kum tin vawi 1 neih tur a ni

Section - 3 :

A hun leh a hmun chu Inkhawmpuiin a rel fel ang a,
General Assembly a hmakhalh ngei tur a ni.

Section - 4 :

THU NGAIHTUAH TUR (AGENDA)

- 1) General aṅanga thu lo kal bawhzui ngai te.
- 2) District huap Board/Committee aṅanga thu lo lut te.
- 3) Bial khawmpui/Board aṅanga thu lo lut te.
- 4) Official
- 5) Inkhawmpui aṅanga bawhzui ngai te

Section - 5 :

ROREL PALAI TE :

- 1) District Committee member zawng zawngte
- 2) Upa leh Tual Upa te.
- 3) Licence nei zawng zawng te
- 4) Bial Department hruaitute

Section - 6 :

Thu tlukna reng reng member kal zawng zawng zatve aia
tam remtihna a tih vek tur a ni

Section - 7 :

A DINHMUN LEH THUNEIHNA :

- 1) General Assembly kut leh ke pawimawh tak,
kawng engkima ṅanpuitu leh thawhpuitu a ni.
- 2) Bial hawn belh, tihdanglam leh ṅhiah chungchangah
General Assembly-ah rawtna a thlen ṅhin ang.

- 3) Licence dilte, pek tlak nia a hriatte leh licence nei tlak lo nia a hriatte a ngaihtuahin rorelna sang zawkah a thlen thin ang.
- 4) District fund a tul angin a siam thei ang.
- 5) Danpui kalh lovin ama huam chhung inenkawlina dan tur chu a siam thei ang.
- 6) Danpuiin a phalsak chinah ama District huam chhunga thuneihna sang ber neitu a ni.

7) **Nomination Committee :**

Member 7 aia tlem lo, 12 aia tam lo Nomination Committee kum 2 atan zel a ruat thei ang. khawmpui Agenda reng reng khawmpui hun hma ni 15 aia tlai lovah Secretary kutah a lut vek tur a ni.

Bial tin atangin Bial Chairman theuhte chu member an ni ang a, agenda reng reng ngaihtuah rih loh atana thaa an hriatte chu agenda neitute hnenah ngaihtuah nawn leh turin an thawn kir thei ang.

- 8) Sum leh pai lama hmasawna kawngah leh thlarau lam harhna a thlen theihna tura hmalaknaah te, zirtirna dik lo laka kohhrante venhim leh inpumkhatna tha tak a awm theihna tura hmalak chu a tihtur pawimawh tak a ni.

Section - 8 :

District khawmpuiaih hengte hian report an pe ang :

- 1) District Secretary
- 2) District Treasurer
- 3) Bial Secretary

PART - III

DISTRICT HUAP COMMITTEE TE

Section - 1:

DISTRICT COMMITTEE :

- 1) *Hengte hi memberte an ni:-* Bialtu Pastor leh Bial Chairman leh Bial Secretary leh Bial Treasurer te chu member an ni ang.
- 2) *Thuneihna leh dinhmun :* District Committee hi District khawmpui aiawha rorelna a ni a, chuvangin District khawmpuiin tih tura a tuk leh thil hmanhmawh thlak bikte chu a ngaihtuahin a chingfel thin ang. khawmpuiin thuneihna a pek ang zelinGeneral huap Board hrang hrang member tur te chu a ruat thin ang.

Section - 2 :

SUB. PASTORAL COMMITTEE

- 1) *Hruaitute leh memberte:* Bial Committee-in an aiawh an thlan mi pakhat theuh chu member an ni ang a, District Chairman leh District Superintendent te chu Ex-Officio member an ni ang a. Chairman leh Secretary chu anmahni zing a mi an thlang ang.

- 2) *Thunehna leh dinhmun* : District Committee huam chhunga Pastorte rawngbawl dan te en thlithlai a, Pastor lak leh chawlhtir leh sawn chungchanga Pastoral Board thurawn petu a ni.

PART - IV

DISTRICT HRUAITUTE

Section - 1 :

HENGTEHI DISTRICT HRUAITUTE CHU ANNIANG:

- 1) District Chairman
- 2) District Superintendent
- 3) District Secretary
- 4) District Treasurer

Section - 2 :

DISTRICT HRUAITUTE HNA HI PART TIME - A THAWH ANIANG.

Section - 3 :

DISTRICT HRUAITU NIH THEIHNA :

- 1) Upa emaw licence nei emaw a ni ngei tur a ni
- 2) District Superintendent atan chuan Pastor thawk lai a ni tur a ni.

Section - 4 :

HRUAITUTE RUAT / THLAN DAN:

- 1) Inthlanna chu General Superintendent-in emaw, a aiawhin emaw a ho ngei tur a ni.

- 2) Inthlanna chu secret ballot a tih tur a ni.
- 3) Inthlanna kaihruiuin amah puibawmtu atan mi 3 aia tlem lo, 5 aia tam lo a ruat thei ang.
- 4) Vote thlak hmasak ber chu *Nominating ballot* tih a ni anga, vote tla zawng zawng zatve aia tam hmu chu tlinga puan nghal tur an ni. Chutiang an awm loh chuan vote hmu sang ber 2 chu buk nan vote lak leh tur a ni.
- 5) Nominating ballot a tling hian a thawh theih dawn loh chuan a bul atangin vote thlak that leh tur a ni.
- 6) Inthlannaah hian District Committee member chauhvin vote an nei thei ang.
- 7) Vote hmuh inzat chiah an awm chuan vawi 2 thleng inthlan nawn tur a ni a, chumiah chuan tling zawk an awm loh chuan thum vawr tur a ni ang.

Section - 5 :

Hruaitu hna chelh hun chhung (term) chu kum hnih a ni anga, mi pakhatin a zawnin term 2 an chelh thei lo vang.

Section - 6 :

District hruaitu chuan a aiawh ruat / thlan a nih atanga ni 15 ral hmawh hruaitu thar hnenah charge a hlan tur a ni

Section - 7 :

HRUAITUTE TIH TUR :

1) *District Chairman:*

(a) District Inkhawmpui rorel leh Committee a kaihrui thin ang.

- (b) District Inkhawmpui leh Committee rorel bawhzui ngaite a bawhzui ang.

2) *District Superintendent:*

District Committee emaw District inkhawmpui rorel inkhawmte ni lo, District huap inkhawmpui / Revival inkhawm reng rengah Chairman a ni ang.

3) *District Secretary :*

- (a) Inkhawmpui leh Committee Secretary a ni ang.
 (b) Inkhawmpui leh Committee rorel bawhzui ngaite a bawhzui ang
 (c) General Assembly-ah report a pe ang.

4) *District Treasurer :*

District sum leh pai enkawltu a ni.

Section - 8 :

AUDIT CHUNGCHANG :

District sumte hi District sum Auditor tura ruat ten kum tinin wawi khat tal an audit thin ang.

BUNG - 4

BIAL

PART - I

A HUAM CHIN LEH SUM LEH PAI

Section - 1 :

A HUAM CHIN :

General Assembly-in bial a then leh ramri a siam ang angin bial chu a awm ang. Bial tidanglama, that a, siamtha theitu chu General Assembly chauh a ni.

Section - 2 :

SUM LEH PAI :

- 1) General Headquarters-a lut tur chi reng reng chu bial chhungah a chambang tur a ni lo.
- 2) Bialin bial sum leh pai tura an lo ruat bikte chu bial sum tih a ni ang
- 3) Bial chhung sum leh pai lut leh chhuak reng reng Bial Committee-in a endik thin ang.

PART - II

BIAL INKHAWMPUI

Section - 1 :

Inkhawmpui chu kum tin vawikhat neih thin tura ni.

Section - 2 :

Inkhawmpui hian inkhawmpui hun leh hmun turte a relfel thin ang.

Section - 3 :

ROREL PALAINI THEITE:

- 1) Licence nei zawng zawngte.
- 2) Upa leh Tual Upate
- 3) Bial Department hruaitute.

Section - 4 :

Thu tihtlukna reng reng palai kal zat ve aia tam remtihna veka siam tur a ni.

Section - 5 :

THUNGAIHTUAH TURTE:

- 1) Tualchhung kohhran Committee atanga thu lo lut.
Chairman leh Secretary hming ziak hnan ngei.
- 2) Bial department atanga thu lo kal.
- 3) Chunglam atanga thu lo kal
- 4) Official.

Section - 6 :

A DINHMUN LEH THUNEIHNA:

- 1) Bial chung kohhrante enkawl naa thuneihna sang ber neitu leh mawhphurtu a ni.
- 2) Bial inkhawmpuia hng heng mite hian report an pe ang.
 - a) Bial Secretary
 - b) Bial Treasurer
 - c) Tualchhung kohhran Secretary te
 - d) Bial Department Secretary

PART-III

BIAL COMMITTEE

Section - 1 :

BIAL COMMITTEE HRUAITUTE LEH MEMBER TE.

- 1) Bialtu Pastor
- 2) Bial Chairman (Bialtu Pastor a nih loh chuan)
- 3) Bial Secretary
- 4) Bial Treasurer
- 5) Bial PYD President
- 6) Bial S.S. Chairman
- 7) Tualchhung Kohhran Chairman, Secretary leh Treasurer te.
- 8) Bial Missions Chairman

Section - 2 :

A DINHMUN LEH THUNEIHNA :

- 1) Bial inkhawmpuiin tih tur leh bawhzui tur a tih angte bawhzuia ngaihtuah tur a ni.
- 2) Thu hmanhmawh thlak zualte bial inkhawmpui karlaka lo ngaihtuah a, lo relfeltu a ni.
- 3) Bial hruaitute leh Department hruaitute (Pastor chu ni ve lovin) thlan.
- 4) Licence dilte tualchhung kohhran Committee-in a rawn thlen lo ngaihtuah.
- 5) Tualchhung Kohhrana Upa leh Tual Upa zat tur bi tuksak.

PART-IV

BIAL HRUAITUTE

Section - 1 :

BIAL HRUAITUTE CHU HENGTEHI AN NI ANG:

- 1) Bialtu Pastor
- 2) Bial Chairman
- 3) Bial Secretary
- 4) Bial Treasurer

Section - 2 :

BIAL HRUAITU NIH THEIHNA :

- 1) Bialtu Pastor chu Executive Committee-in Pastor atana a lak leh a dah apiangte chu an ni ang.
- 2) Bial Chairman leh Bial Secretary leh Bial Treasurer chu Upa emaw licence nei emaw, sawmapakhat tha taka pe thin mi an ni ngei tur a ni.
- 3) Bial hruaitute chu Bial Committee member ten Upa leh licence nei zinga mi an thlang thin ang.

Section - 3 :

BIAL HRUAITUTE THLAN/RUAT DAN

- 1) Inthlanna chu Bialtu Pastor-in a kaihruai ang.
- 2) Inthlannaah Pastor-in amah pui turin mi 3 a ruat thei ang.
- 3) Inthlanna chu secret ballot-a thlan tur a ni a; vote tla zatve aia tam hmu chu tlinga puan tur a ni. Vote hmuh inzat chiah a awm chuan vawi hnih thleng

thlan nawn tur a ni a; chumiah chuan tling zawk a la awm loh chuan thum vawr tur a ni ang.

Section - 4 :

HNA CHELH HUN CHHUNG :

Bial Chairman te, Bial Secretary leh Bial Treasurer nihna te hi mi pakhatin term khat (kum 2) bak a zawnin a chelh thei lo vang. Mihring indaih lohna leh thuna bik hmunah chuan mi pakhatin term 1 aia tam a chelh thei ang.

Section - 5 :

BIAL HRUAITUTE MAWHPHURHNA LEH TIH TUR :

1) *Bialtu Pastor* :

- a) Bial inkhawmpui leh Bial Commiittee hnuaiakohhrante enkawl na kawnga mawh phurtu ber a ni ang.
- b) Bial chhung kohhran tinah a awm remchan lai a nih chuan Kohhran Committee-ah member a ni ang.
- c) Bial chhunga kohhran serh leh sang lam (puithiam hna) ah hruaitu lu ber a ni. Serh leh sang tihtur lo awmah a awm remchan dawn loh chuan li c e n c e nei hnenah charge a hlan ang.
- d) Zirtirna dik lo te sukiang tur leh thlarau lam hlimna a thlen theihna turin theihtawp a chhuah thih ang.
- e) Bial chhung kohhrante a zing thei ang berin a tlawh thih tur a ni.
- f) Bial chhung rorelna hrang hrangah thurawn petu (Adviser) a ni ang.

- g) A rawngbawl dan thlatin report General Superintendent hnenah a pe ang.
- h) Sawmapakhat, Buhfaitham, Sunday School sum, Mission sum a bial chhunga mite a khawn khawm ang a, General Headquarter-ah a chhung lut thin ang.
- i) Bial chhunga kohhran Upa thlanna leh Bial Committee thlanna a ho thin ang

2. *Bial Chairman :*

- 1) Bial khawmpui rorelna leh Bial Committee a kaihruai ang.
- 2) Bial Secretary nen inberawnin Bial Committee an ko thin ang.
- 3) Kohhrante enkawlna kawngah bialtu Pastor thawhpuitu leh thurawn petu a ni.

3. *Bial Secretary :*

- 1) Kawng hrang hranga Bialtu Pastor leh Bial Chairman thawhpuitu a ni ang.
- 2) Bial khawmpuiah Bial dinhmun tlangpui report a pe thin ang.
- 3) Bial khawmpui leh Bial Commiittee-ah Secretary a ni ang.
- 4) District inkhawmpuiah Bial report a pe ang.

4. *Bial Treasurer* :

- 1) Bial sum leh pai fel takin a enkawl ang a, ama thuin pawisa a pe chhuak mai tur a ni lo va, bialtu Pastor-in emaw Bial Chairman-in emaw a remtihpuina nen chauh a pe chhuak tur a ni.
- 2) Bial inkhawmpuiah bial sum dinhmun report a pe thin ang.
- 3) Bial Committee member tupawhin sum leh pai a vawnte hi engtik lai pawhin a en thei ang.

BUNG - 5**PART - I****TUALCHHUNG KOHHRAN**

Section - 1 :

A hmingah chuan *Tualchhung kohhran* tih a ni.

Section - 2 :

MEMBER NIH THEIHNA :

Mi tupawh kan thurin leh inkaihhruaina dan zawma Tualchhung kohhran hming ziaaknaa hming ziah luhte chu Mizoram UPC member an ni.

Section - 3 :

A THILTUM:

- 1) Mizoram UPC Memorandum a tarlan pawl dinchhan leh thiltumte hi a hlawhtlin ngei theihna tura Pathian hruaina ang zela kawng tinrenga hmalak.
- 2) Pathian Biak In buatsaih leh hmun neih.
- 3) Rinna thuhmun neitute chu Unau inhmangaihna leh inzawmkhawmna huanga insuihkhawm (Ephesi 2:19-22; Hebrai 13:1).
- 4) Boral turte zawnchhuah a, chhandamna kawng kawhmmuh leh Krista chanchin tha anga member tinte an nun theihna tura hmalak.

Section - 4.

THU ZAWM TURTE :

Mizoram UPC member tupawhin heng a hnuaia mite hi an pawmin an zawm tur a ni:-

- 1) Pathian lehkha thuin min hrih angin anmahni thawh chhuah aṅanga sawmapakhat zawng zawng chu a neitu Pathian hnenah an pe ngei tur a ni.
- 2) Khawvel hlimhlawp bawlna leh thil ṭha lo, rinna tidal thei leh Krista chanchin ṭha tihmelhem thei lak ata an inthiar fihlim thei tur a ni. Pathian biak inkhawm an thlahthlam tur a ni lo.
- 3) Thilpek leh tawngtainaa kohhrante ṭanpui zel hi member tinte mawhpurhna a ni.
- 4) Chhungkuua Pathian biakna hun insiam a, neih fo.
- 5) Kohhran dante zawm a, mi zawng zawng nena inremna zawn fo.
- 6) Awmhmun sawn tur chuan an lawina kohhran aṅangin lehkha an la ang a, an va awmna hmuna kohhrante hnenah chu an lehkha chu an thehlutin, a rang thei ang berin kohhranah an inziak lut tur a ni.

Section - 5 :

INLAKLUHNA :

Mizoram UPC thurinte pawm a, inkaihhraina hnuaia lungawi taka lo awm/luh an duh chuan Bialtu Pastor emaw Kohhran Committee Chairman-in emaw inkhawm lain uluk takin lawmluhna a nei tur a ni.

Section - 6 :

INTHUNUNNA :

- 1) Kohhranin zawm tur a tihte zawm lo chu Kohhran Committee-in zilh hmasak kher lo va, action lak nghal ÷ula a hriat chuan action a la nghal thei ang.
- 2) Member tupawh tualchhung rawngbawlina hna pawimawh chelhtu kohhranin eng emaw avanga a chawlhirtirte reng reng chu chawlhirtir an nih a÷anga kum 1 a ral hma chuan an chungchang thu ngaihtuah theih a ni lo vang.

Section - 7 :

KOHHRAN THAR DIN LEH INDAN CHUNGCHANG

- 1) Kohhran awmsa a÷anga indang duhte chuan an awmna kohhran kaltlangin dilna an thehltur tur a ni. An dilna chu an awmna kohhran chuan a remti emaw remti lo emaw Bial Committee kaltlangin District Committee-ah an thlen tur a ni. District Committee-in thu tawp a siam ang.
- 2) Pastor bial chhunga kohhran din thar duh chuan Bial remtihna an la tur a ni. Bial pawna kohhran thar din tur chuan Bial hnai ber hriatpuiin an din tur a ni a. Bialtu Pastor hnai ber chuan General Headquarters ah report pein a hriattir ang.
- 3) Kohhran la din lohna hmuna kohhran ding tirtirte Preaching Point-ah dah phawt a, a enkawltu Bial Committee-in Kohhran puitlinga a pawm hnuah chauh Kohhran anga form leh enkawl tur a ni.

PART - II

TUALCHHUNG KOHHRAN HRUAITUTE

Section - 1 :

TUALCHHUNG KOHHRAN HRUAITUTE CHU
HENGTE HI AN NI ANG:

- 1) Bialtu Pastor
- 2) Chairman
- 3) Secretary
- 4) Treasurer
- 5) Upa te.
- 6) Licence neite
- 7) Tual Upa te.

Section - 2 :

HRUAITU NIH THEIHNA :

Chairman tur chu Upa emaw, Licence nei emaw a ni tur a
ni a, Secretary leh Treasurer tur chu Upa emaw Licence
neite nei emaw, Tual Upa emaw a ni tur a ni.

Section - 3 :

HRUAITU THLAN DAN :

Kohhran Committee ten Chairman leh Secretary leh
Treasurer te hi anmahni zinga mi an thlang thin ang a.
Inthlanna chu Bialtu Pastor-in a kaihruai ang.

Section - 4 :

HRUAITUTE MAWHPHURHNA :

1) *Chairman* :

- a) Kohhran hminga hmalakna hrang hrangah hming tumtu leh khaipa ber a ni ang a. Kohhran Committee thurel a hlawhtlinna tur atan theih tawp a chhuah ang.
- b) Kohhran Committee a kaihruai thin ang.
- c) Secretary nen inberawnin kohhran Committee an ko thin ang.

2) *Secretary* :

- a) Kohhran Committee rorelte, chunglam atanga thu lo kal mipui hriattir ngaite mipui hriattir a, Kohhran Committee-in a rang lama a bawhzui theih nan a, Chairman leh Pastor (Pastor awmna hmun a nih chuan) nena inberawna hma latu a ni.
- b) Kohhran thurelte fel taka vawn leh lehkha kal vel reng reng tha taka vawn.
- c) Heng record te hi fel takin a vawng tur a ni :
 - i) Kohhran member ziahluhna bupui
 - ii) Baptisma chang ziahluhna
 - iii) Nauhlan ziahluhna
 - iv) Inneite chhinchhiahna lehkhabu
 - v) Kohhran bungraw chhinchhiahna
 - vi) Minute bu leh file pawimawh te
- d) Pem chhuak, mitthi leh mi thar te record bu-ah a ziak lut zel ang a, statistics record fel taka vawngin

chumi hmang chuan Bial Secretary hnenah report a pe thin ang.

e) Bial khawmpuiah report a pe thin ang.

3) *Treasurer* :

a) Kohhran hminga sum leh pai a kuta lut chi leh pekchhuah chi reng reng receipt leh voucher nen a dawngin a pe chhuak tur a ni.

b) Kohhran sum leh pai dinhmun a zing thei ang berin kohhran mipuite hriatah a puang thin ang.

c) Kohhran sum reng reng Kohhran Committee-in a remtihna tel lovin tumah a puktir tur a ni lo va, Kohhran Committee-in pekchhuah tura a rel pawh Chairman-in a hriatpui ngei tur a ni (Pawisa a pek chhuah dawnah)

d) Sawmapakhat reng reng tualchhung kohhranah a chambang tur a ni lo va, chuvangin ama thuin a lo kawl tang mai tur a ni lo va, biala mawhphurtuin a khawn veleh kim takin a pechhuak thin tur a ni.

e) Pawisa hmuh leh hman zat ziakna (account) fel takin a vawng ang a. Engtik lai pawha endik theih turin a vawng reng tur a ni. Kumtawpah Kohhranin a ruat endiktuten an endik ziah ang a, Kohhran Committee-in tul a tih chuan chu aia zing pawhin an endik thei ang.

Section - 5 :

Pathian biak inkhawm hruaitu :

Hengte hi Chairman atan ruat tur a ni :

- 1) Pastor
- 2) Licence nei mipa
- 3) Upa

PART - III**KOHHRAN COMMITTEE**

Section - 1 :

KOHHRAN COMMITTEE MEMBER TE

- 1) Upa te
- 2) Tual Upa te
- 3) Executive Committee pawmpui Licence nei te
(hmeichhia tel lovin)
- 4) Bialtu Pastor

Section - 2 :

A DINHMUN LEH THUNEIHNA :

Tualchhung kohhran inrelbawlna kawng hrang hrangah thuneitu ber a ni a, Department hrang hrang enkawl a, awptu, rawngbawltu tha chher chhuak a, chung lam atanga thu lo kal a chak thei anga bawhzuitu, Department hruaitute leh Adviser-te leh Tualchhunga rawngbawltu turte ruattu a ni

Section - 3 :

RORELNA:

- 1) Member zatve aia tam (Chairman leh Secretary telin) chu rorel thei (Quorum) ah ngaih a ni ang.
- 2) Thu tlukna reng reng member kal zatve aia tam remtihna anga tihtluk tur a ni.
- 3) Rorelnaah vote inzat a awm chuan a duh lam lam tihtluk nana Chairman-in vote a nei thei ang.

Section - 4 :

RORELNA HUN LEH HMUN :

- 1) Chairman leh Secretary inberawnin ÷ul an tih hun apiangah Kohhran Committee hi an ko thei ang. Committee koh a nih reng rengin member ten an hre kim ngei ngei tur a ni(hmundangah an kal bo a nih loh chuan).
- 2) A hmun tur pawh Chairman leh Secretary ten an ruat thei ang (Committee-in a ruat lawk a nih loh chuan). Amaherawhchu kohhran rorelna member ten zalen taka an ngaih dan an sawi theihna tur hmun him a ni tur a ni a, rorelna thu puanchhuah tur bak engmah mipui hriatah a put chhuak tur a ni lo va, chutiang hmun himah chuan Committee hi neih ÷hin tur a ni.

Section - 5 :

KOHRAN UPA LEH TUAL UPA NIH THEIHNA :

- 1) Sawmapakhat ÷ha taka pe mi a ni tur a ni
- 2) Tui leh Thlarauva piangthar a ni tur a ni.

Section : 6.

KOHRAN UPA LEH TUAL UPA CHAWLHTIR THEIHNA :

- 1) Danpui Bung 5 Part III No.5 sub.no 1 hi a zawm lo a nih chuan chawlhtir theih an ni ang.
- 2) Vantlang hriat theih khawpa tuina tlachham leh inkhawm thlahdah rei lutuk chu chawlhtir mai tur a ni.
- 3) An khawsak dan kawnga rinhlelhawm, an chungchang ngaihtuah ngai khawpa langte chu an chungchang chinfel chian a nih hma chuan lo chawlh lailawktir rih tur a ni.
- 4) An chungchang Kohhran Committee-in a rel fel thei lo a nih chuan member tam zawkte remtihna in bialah thlen tur a ni a, bialin thutawp a siam thei ang.

PART - IV

UPA LEH TUAL UPA THLAN LEH RUAT DAN

Section - 1 :

UPA LEH TUAL UPA THLAN / RUAT DAN :

Bial Committee-in Tualchhung kohhran dinhmun enin inthlan emaw, inruat emaw a duh zawk zawk dan a hmang thei ang.

Inthlan dan :

- 1) Inthlanna chu Bialtu Pastor-in a ho ngei tur a ni.

- 2) A thlangtuah kum 18 chin chunglam tualchhung kohhran member register a chuang ngeite chauhan ni tur a ni.
- 3) Inthlanaah nominate (ruatsa) a awm lo vang.
- 4) Upa awm zat tur daih tawk ballot paper sem a ni ang a, chumiah chuan vote thlak tur a ni a. vote tla zawng zawng zatve aia tam hmu te chu tlinga puan an ni ang a, Tual Upa thlanna atan pawh Upa thlan dan hi hman tur a ni a. Vawikhat zela thlannaah duh zat hmuh loh chuan a bak chu inthlan dan pangngaiin a bul atanga thlan nawn leh tur a ni.
- 5) Bial Committee-in Upa leh Tual Upa te chu inthlan aia a ruata ruat zawk tha an tih chuan Upa leh Tual Upa te chu Pastor-in tha a tih angin a ruat ang.

Section - 2 :

UPA LEH TUAL UPA TE TERM

- 1) Tualchhung kohhran hruaitu leh Department hrang hrangte inruat fel a nih atanga ni 7 chhungin charge an inhlán ngei tur a ni.
- 2) Upa te leh Tual Upa te chu an term kum 2 a ni ang.

BUNG - 6

MISSIONS DEPARTMENT

PART-I

Section - 1 :

A thiltum : Lalpa Isua thupek anga Chanchin tha famkim puandarh a, boralte chhanchhuaha Lalpa kohhrana sengluh zel.(Mt.28:18-20; Mk.16:15-16).

Section - 2 :

Member : Mizoram UPC member ziahluhna a hming ziahte chu member an ni vek a ni.

Section - 3 :

District-ah a hranpaa din a ni lo vang a, a remchan dan angin Kohhranpui District-in District huap Revival emaw intawhkhawmna emaw a buatsaih thin ang.

Section - 4 :

Thawhlawm : Tualchhung tinah thla tin Pathianni vaw hnihna zing leh zan inkhawmah Ramthim pual thawhlawm lakkhawm thin tur a ni. General, District leh Bialah Kohhranpui leh Department khawmpui/Revival ah Pathianni zing inkhawmah Ramthim pual thawhlawm hi lakkhawm thin tur a ni.

Section - 5 :

India ram chhung chu *Home Missions* tih a ni ang a, India ram pawn chu *Foreign Missions* tih a ni ang.

PART-II

GENERAL

Section - 1 :

A hming : A hming atan General Missions Department tih a ni.

Section - 2 :

A huam chin : Mizoram UPC dinna apianga he Department dinna chu a huam vek a ni.

Section - 3 :

GENERAL INKHAWMPUI

He pawl thiltih leh hmalakna kawng tinrenga General Assembly hnuai thuneihna sang ber neitu a ni a, kum tinin emaw kum khat danah emaw neih thin tur a ni.

1) *Rorel palaite*:

- a) Puipate
- b) Fulltime a thawk Bialtu Pastor te
- c) Bial hruaitute leh Bial Board member te
- d) Licence nei leh Upa te.

2) *Agenda* :

- a) Bial inkhawmpui leh Bial Board aṅanga thu lo lut, Bial Chairman leh Secretary hming ziak hnan.
- b) Field inkhawmpui leh Board aṅanga thu lo lut
- c) General huap Board leh Committee aṅanga thu lo lut
- d) Official.

3) *Rorelna:*

- a) Thutlukna reng reng palai kal zatve aia tam remtihnaa tih tluk vek tur ani.
- b) Vote inzatah Chairmanin duhthlanna vote a nei thei ang.

4) *Report:*

Hengte hian report an pe ang:-

- a) General Secretary
- b) General Treasurer
- c) Bial Secretary te
- d) Field Secretary te.

Section - 4 :

GENERAL BOARD

1) Hruaitute leh member te

- a) Chairman
- b) Secretary
- c) Treasurer
- d) Member te
 - i) Puipate
 - ii) Bial Missions Chairman te
 - iii) Executive Board member te.

2) *A mawhphurhna:*

General inkhawmpui thurel bawhzui leh General khawmpui inkara thil hmanhmawhthlak rel fel te leh Field enkawl te chu a mawhphurhna a ni.

Section - 5 : EXECUTIVE BOARD

- 1) *Hruaitute leh member te*
 - a) Chairman
 - b) Secretary
 - c) Treasurer
 - d) Member te
 - i) Puipate
 - ii) General LAD President
 - iii) General PYD President
 - iv) Field Supervisor
 - v) Executive Committee-in a ruat mi 7 aia tam lo.
- 2) *A mawhphurhna*
 - a) Budget ruahman a, Financial Board a thlen.
 - b) Mizoram UPC Service Rule bung 2.no.6 thu angin thawktu tur a la thin ang a, heta thawktu tih hian Pastor te chu a huam lo vang.
 - d) Field a thawktute enkawl a, an hlawh leh service te chu Mizoram UPC service rule, financial rule te leh pay rule angin a rel felsak thin ang a, Field enkawlna chungchangah General Board-ah rawtna a thlen thin ang.

Section - 6 :

Hruaitute

- 1) *Hruaitute leh hruaitu nih theih dan*
 - a) *Chairman* : Executive Committee-in Licence nei emaw Upa emaw a ruat apiangte.
 - b) *General Secretary* : Fulltime a thawk Pastor te zinga mi Executive Committee-in a ruat apiang

- c) *General Treasurer*: Executive Committee-in a ruat apiang te.
- d) Missions Department-a Field Supervisor tur chu fulltime-a thawk Pastor te zinga mi Executive Committee-in a ruat/thlan apiangin an thawk ang. Field Supervisor te hi Field chhungah an awm ngei tur a ni.

2) *Term*:

Hruaitute term chu kum 2 a ni. Hna pangngai mi pakhatin a zawnin term hnih a chelh thei lo vang. An aiawh thlan/ruat a nih atanga ni 20 ral hmain charge an hlan tur a ni.

Section - 7 :

Hruaitute tihtur leh mawhphurhna :

1) *Chairman*:

- a) General inkhawmpui, General Board leh Executive Board a kaihruai thin ang.
- b) General Secretary leh General Treasurer te hnena thurawn petu a ni.

2) *General Secretary* :

- a) General inkhawmpui, General Board, Executive Board leh Foreign Missions Board-ah Secretary a ni ang.
- b) Department property record fel takin a vawng ang.
- c) Chairman nena inberawnin Field leh Pastor bial chhungte a tlawh thin ang.

3) *General Treasurer* :

- a) General Missions Account fel takin a vawng ang.
- b) Chairman leh General Secretary thawhpuitu a ni.
- c) Account hi Executive Committee-in endiktu a ruatte chu kum chanve leh kum tawpah a endiktir thin ang.

PART - III

BIAL

Section - 1 :

A huam chin : General Assembly-in Pastor bial khat huam china a siam ang chu a ni ang.

Section - 2 :

BIAL INKHAWMPUI

1) *Rorel palaite*

- a) Kohhranpui Bial Committee membrete leh hruaitute.
- b) Tualchhung tina Missions Department hruaitute leh Committee member te.
- c) Upa leh Licence nei leh Tual Upa te.

2) *Agenda*

- a) Chunglam atanga thu lo kal
- b) Budget
- c) Tualchhung Missions Department atanga thu lo lut
- d) Official

- 3) Thu tlukna reng reng palai kal zatve aia tam remtihnaa tih tluk tur a ni.

Section - 3 :

BIAL BOARD

- 1) Hengte hi hruaitute leh member-te an ni ang:-
- a) Chairman
 - b) Secretary
 - c) Treasurer.
 - d) Member te
 - i) Bialtu Pastor
 - ii) Bial Chairman
 - iii) Vice Chairman
 - iv) Assistant Secretary
 - v) Tualchhung tina Missions Department hruaitute.
- 2) *A mawhphurhna* :
- a) Chunglam atanga thu hmanhmawh lokal bawhzui
 - b) Bial inkhawmpui rorel bawhzui leh thil hmanhmawh thlak rel fel.

Section - 4 :

BIAL HRUAITUTE

- 1) *Nih theih dan*:
- Bial Committee-in Licence nei emaw Upa emaw Tual Upa emaw kum 2 atana a ruat te chu an ni. A bik takin Chairman atan chuan Licence nei emaw Upa emaw an ni tur a ni. Tul bik thil a nih loh chuan hruaituin a hna ngai a zawnin term hnih an chelh thei lo vang.

- 2) Charge inhlan hun chu Bial Committee rel ang a ni ang.
- 3) Hengte hi hruaitute chu an ni:-
 - a) Bial Chairman
 - b) Vice Chairman
 - c) Bial Secretary
 - d) Assistant Secretary
 - e) Bial Treasurer
- 4) Hruaitute tihtur
 - a) *Bial Chairman:*

Bial inkhawmpui leh Bial Board leh Bial huap intawhkhawmna a kaihruai ang. Chunglam aṭanga thu lo kalte leh Bial rorelte kengkawhtu a ni.
 - b) *Vice Chairman:*

Bial Chairman thawhpuitu a ni a, Chairman remchan loh laiin Bial Chairman mawhphurhna chu kengkawh ang.
 - c) *Bial Secretary:*

Bial inkhawmpui leh Bial Board-ah Secretary a ni ang a, Chairman nen inberawnin Bial Board a ko ṭhin ang. Lehkhaw General leh tualchung nena indawr chu a tihtur pawimawh tak a ni.
 - d) *Assistant Secretary:*

Bial Secretary thawhpuitu a ni a, Bial Secretary remchan loh laiin Bial Secretary mawhphurhna chu a kengkawh ang.

e) *Bial Treasurer:*

Bial sum enkawltu leh vawngtu a ni.

PART - IV

TUALCHHUNG

Section - 1 :

Tualchhung Missions Department chu Kohhranin tul leh tha a tih angin a dinin a thiatthei ang.

Section - 2 :

Hruaitute :

1) Hengte hi hruaitute an ni

a) Chairman

b) Vice Chairman

c) Secretary

d) Assistant Secretary

e) Treasurer

f) Kohhran Committee Chairman chu Adviser a ni ang.

2) *Hruaitu nih theih dan:*

Chairman chu Licence nei emaw, Upa emaw, Tual Upa emaw a ni tur a ni a, hruaitu dangte erawh chu Kohhran Committee-in an ruat apiangte an ni ang a, an term chu kum 2 a ni ang.

3) *Committee member:*

Kohhran Committee-in a zat bitukin a ruat thin ang.

PART-V

FIELD

Section - 1 :

Missions Field chu General Assembly-in General Missions inkhawmpui rawtna dungzuiin a hawngin a titawp ang.

Section - 2 :

FIELD INKHAWMPUI :

Field-te hian rokhawlhna lian tak a awm a nih loh chuan kum tinin Field inkhawmpui an nei thin ang a, chutah chuan Field Secretary te, Field Treasurer te leh Field a thawktuten report an pe thin ang a. Field hmasawwna turte leh Field inenkawlna tur bik Field fund atan budget te siamin an rel thin ang. General Missions hruaituten an hmanpui thin ang.

Section - 3 :

FIELD COMMITTEE

1) Hruaitute leh member te:

Hruaitute chu General Missions Board-in kum 2 atan a ruat ang. Hengte hi hruaitute leh member te chu an ni:-

- a) Field Chairman
- b) Field Secretary
- c) Field Treasurer
- d) Member te
 - i) General Missions hruaitute
 - ii) Supervisor
 - iii) Field chhunga tualchhung kohhran Chairman leh Secretary leh Treasurer te.

2) *A mawhphurhna* :

Field inkhawmpui thurel bawhzuite, inkhawmpui karlaka thil hmanhmawh thlak rel felte leh budget ruahman a, Field inkhawmpuia thlente chu a ni.

Section - 4 :

THAWKTUTE CHUNGCHANG

- 1) Sawmapakhat te, Buhfaitham te leh Ramthim pual te an lakhawmin thehluhna tur leh thehluh hun General Board-in a ruatah chuan an thehlut thin ang.
- 2) An rawngbawl dan report thla tinin General Missions Secretary hnenah an thehlut ang.
- 3) An awmna Field an chhuahsan dawnin General Missions hruaitute remtihna an la hmasa tur a ni a. Hmanhmawhthlak thilah chuan Field Chairman an hrilh ang a, an hman remchan veleh General hruaitute an hrilh leh ngei tur a ni.
- 4) Bible School kal an duh chuan Executive Board-ah an dil tur a ni.

Section - 5 :

LICENCE

Field chhunga miten Licence an dil dawn chuan an lawina kohhran recommend-na thil telin dilna chu Field Committee-ah an thlen ang a, Field Committee-in interview leh thil tul a tihpui hnuah General Board-ah a thlen ang a. General Board chuan thutawp siam nan Executive Committee-ah a thlen ang.

PART-VI

FOREIGN MISSIONS

Section - 1:

A HUAM CHIN:

General Missions inkhawmpui rawtna dungzuia General Assembly-in a ruahman ang chu a ni ang.

Section - 2 :

A DINCHHAN:

Ringlote hnena kan Lalpa Isua Pathian awmchhun a nihna leh a Chanchin Ṭha famkim hrilh a, ringtua siam a, kohhran din theihna apianga din zel.

Section - 3 :

SUM LEH PAI:

Foreign Missions enkawlina tur sum hi Main Account atangin pek a ni ang.

Section - 4 :

FOREIGN MISSIONS BOARD

1) *Hruaitute leh memberte:-*

Foreign Missions board hruaitu leh mbedr-te chu Executive Committee-in Department dang ang bawkin kum hnih atan a ruat ṭhin ang. Mi pakhatin a zawnin nihna pangngai a chelh thei lo vang. Puipate leh General Missions Chairman, Secretary, Treasurer leh Field Supervisor-te chu member an ni nghal ang a. Committee member tur mi pahnih kum hnih atan a ruat ṭhin ang.

2) *A dinhmun leh mawhphurhna :*

- a) General Assembly hnuaiia Foreign Missions enkawlinaa mawhphurta a ni.
- b) Thawktu tur lak leh an chungchang ngaihtuah a, Executive Committee-ah pawmpui tura thlen.
- c) Budget ruahmana Financial Board a thlen.
- d) A tul anga Foreign Field Board siam a, hruaitu leh memberte ruat.
- e) Field hawn emaw tihtawp emaw chungchanga General Assembly-ah rawtna thlentu a ni ang.

Section - 5 :

FIELD BOARD:

Foreign Missions Board-in tul a tih angin Field Board a siamin an mawhphurhna leh tihtur a siamsak ang.

Section - 6 :

SUM LEH PAI :

Main Account atanga enkawlina an dawn chhung chuan sawmapakhat leh thawhlawm dang an hmuh ang ang chu anmahni Field inenkawlina atan an hmang thei ang.

Section - 7:

Field te hi anmahni kea ding tura enkawl an ni ang a, Main Account atanga tanpuina pek pawh a tul dan a ng i n kumtin tihtlem tial tial theih a ni ang.

BUNG -7
SUNDAY SCHOOL DEPARTMENT

PART -I
GENERAL

Section - 1 :

A hming atan 'General Sunday School Department' tih a ni ang.

Section - 2 :

Sunday School Day: Kumtin January Pathianni vawihnihna chu Sunday School Day atan hman a ni ang a, hemi pual hian thawhlawm pawh lakkhawm tur a ni.

Section - 3 :

GENERAL SUNDAY SCHOOL BOARD

1) *Hruaitute*:

- a) Chairman : Executive Committee ruat
- b) Secretary : Executive Committee ruat
- c) Treasurer : Executive Committee ruat.

2) *Member te*:

- a) General hruaitute
- b) Puipate
- c) General Sunday School Executive Committee member te.
- d) Bialtin Sunday School Chairman te.

- 3) *A dinhmun leh a mawhphurhna:*
- a) General Assembly hnuaiia Sunday School Department-a thuneihna sang ber neitu leh enkawltu a ni.
 - b) Kum khatah vawikhat tal neih thin tur a ni.
 - c) Sunday School Department hmasawinna tur a ngaihtuahin a ruahman ang.
 - d) General Sunday School budget ruahman.
 - e) Thu ngaihtuah turte chu Official leh bial atanga agenda lo lut, Bial Chairman leh Secretary hming ziak hnan ngei te chu an ni ang.

Section - 4 :

EXECUTIVE BOARD

- 1) *Hruaitute:*
 - a) Chairman :General Sunday School Department Chairman
 - b) Secretary :General Sunday School Department Secretary
 - c) Treasurer :General SundaySchool Department Treasurer
- 2) *Memberte:* Puiipate leh Executive Committee-in a ruat mi 7 aia tam lo.
- 3) *A dinhmun leh a mawhphurhna :*
 - a) General Sunday School Board rorel bawhzui
 - b) Zirlaibu thlan leh buatsaihtu thlan
 - c) A tul anga Sunday School Department hmasawinna tur ngaihtuah.

Section - 5 :

HRUAITUTE TIH TUR LEH MAWHPHURHNA :

1) *Chairman* :

- a) General Board leh Executive a kaihruai ang.
- b) General Secretary leh General Treasurer hnenah thurawn petu a ni.

2) *General Secretary* :

- a) General Board leh Executive-ah Secretary a ni ang.

3) *General Treasurer* :

- a) Genral Sunday School account fel takin a vawng ang.
- b) Chairman leh Secretary thawhpuitu a ni
- c) Account hi Executive Committee-in endiktu a ruatte chu kum chanve leh kum tawpah a endiktir thin ang.

PART-II

BIAL SUNDAY SCHOOL DEPARTMENT

Bial Sunday School Department hi General Sunday School Department kut leh ke ni a, rorelte tihlawhtling tura hma la a, bial chhungah theihtawpa a tul anga Sunday School Department in hma a sawn theih nana mawhphurtu atana siam a ni.

Section - 1 :

BIAL CONFERENCE

- 1) *A dinhmun*: Bial chhung Sunday School Department enkawlina kawnga mawhphurtu ber a ni.

- 2) Kumtin vawikhat neih ðhin tur a ni.
- 3) A hun leh a hmun chu Bial Sunday School Conference-in a rel ðhin ang.
- 4) Bialtu Pastor leh Bial Chairmanin an ho ðhin ang.
- 5) *Rorel palaite*:
 - a) Bial hruaitute
 - b) Bial kohhranpui hruaitute
 - c) Tualchhung tina hruaitute leh Puitling leh naupang lam zirtirtu zawng zawng.
- 6) *Agenda*:
 - a) Chunglam aþanga thu lo kal
 - b) Tualchhung aþanga thu lo lut te
 - c) Budget
 - d) Official.
- 7) Bial Sunday School khawmpuiah puitling leh naupangin item an nei thei ang.

Section - 2 :

BIAL BOARD

1) *Memberte* :

- a) Bial hruaitute
- b) Bial Kohhranpui hruaitute
- c) Tualchhung Sunday School Board Chairman, Secretary leh Treasurer te.
- d) Sunday School Executive member Biala awm te.

2) *A dinhmun*:

Bial Conference kar laka thu hmanhmawh rel fel te, Bial Conference thurel bawhzui ngai bawhzui

te leh chunglam aṅanga thil hmanhmawh thlak lo kal rel fel.

Section - 3 :

HRUAITUTE:

Hengte hi kum hnih atan Bial Committee-in a ruat thin ang, ṭul bik thilah a nih loh chuan mi pakhatin a hna pangngai a zawnin term hnih a chelh thei lo vang:-

- a) Chairman
- b) Vice Chairman
- c) Secretary
- d) Assistant Secretary
- e) Treasurer.

Section - 4 :

HRUAITUTEMA WHPHURHNA:

- a) Chairman
 - i) Bial Conference leh Bial Board a kaihruai ang.
 - ii) Bial rorelte kenkawh leh bawhzui
 - iii) Chunglam aṅanga bawhzui ngai lokalte chak taka bawhzui.
- b) *Vice Chairman* :

A ṭul ang zela Bial Chairman puitu a ni ang a, Bial Chairman remchan loh laia mawhphurhna kengkawhtu a ni.
- c) *Secretary* :
 - i) Bial inkhawmpui leh Bial Board-ah Secretary a ni.
 - ii) Record fel taka vawn te, chunglam aṅanga thu lo

kal bawhzui ngaite bawhzuina kawngah leh bial rorel bawhzuina kawngah Bial Chairman leh Vice Chairman thawhpuitu a ni.

d) *Assistant Secretary* :

Kawng engkima Bial Secretary puitu leh thawhpuitu a ni a, Bial Secretary remchan loh laia mawhphurhna kengkawhtu a ni.

e) *Treasurer* :

i) Bial fund engtik lai pawha endik theih tura fel taka vawn.

ii) Bial Sunday School hruaitute thawhpui.

PART - III

TUALCHHUNG

SUNDAY SCHOOL DEPARTMENT

Section - 1 :

Tualchhungah Puitling leh Naupang lamah Sunday School Department a awm ve ve ang.

Section - 2 :

Member te: Sunday School Department a hming ziak zawng zawng.

Section - 3 :

Puitling leh naupang lam hruaitute leh zirtirtute chu Kohhran Committee-in kum 2 atan a ruat thin ang.

Section - 4 :

Hruaitute :

1) *Puitling lam*:

- a) Superintendent
- b) Secretary
- c) Treasurer

2) *Naupang lam*:

- a) Superintendent
- b) Secretary
- c) Treasurer.

Section - 5 :

Tualchhung Sunday School Board:

1) *Hruaitute*

Chairman : Puitling Superintendent

Secretary : Naupang Superintendent emaw Kohhran
Committee-in a ruat

2) *Member te* :

a) Puitling leh Naupang lam hruaitute

b) Puitling leh Naupang lam zirtirtute

Adviser : Chairman, Kohhran Committee.

3) *A dinhmun leh tihur*:

Tualchhung kohhranin Sunday School lama hma a
sawn theihna tur atana theihtawp chhuaha sum leh
pai thawh chhuah.

BUNG - 8**TANPUITU HMEICHHE PAWL
(Ladies Auxiliary Department)****PART - I**

Section - 1 :

A HMING :

He pawl hming atan hian, “Tanpuitu Hmeichhe Pawl,”(Ladies Auxiliary Department) tih a ni ang.

Section - 2 :

A THILTUM LEH DINCHHAN:

- 1) Rawngbawlna kawng hrang hranga kohhranpui tanpui leh thawhpui
- 2).Kristian chhungkua din nghehtir tura tan lak
- 3).Chanchin Tha puandarh

Section - 3 :

MEMBER :

Mizoram UPC member hmeichhia tupawh he pawlah hian member an ni thei ang. Member tinin kum tin in member nihna fee an pe tur a ni a. Fee zat chu he pawl General inkhawmpuiin a bituk ang ang a ni ang.

Section - 4 :

L.A.D. DAY:

Kumtinin March 12 hi he pawl ni (day) ah hman a ni ang.

PART - II

GENERAL

Section - 1 :

GENERAL CONFERENCE :

1) General Conference hi kum tin emaw, kum 1 danah emaw neih tur a ni.

2) *Palaite* :

Hengte hi rorel palaite an ni ang :

a) Tualchung tin aṅanga Ṭanpuitu Hmeichhe Pawl member dik tak inkhawmpuia kal te.

b) Puipate.

c) Fulltime-a thawk Bialtu Pastor te

3) *Agenda*:

a) Official

b) Bial aṅanga lo lut bial President leh Secretary hming ziaik hnan ngei. Letter Head a ziaik a nih loh pawhin seal chhut hnan ngei tur a ni.

c) Agenda reng reng chuan inkhawmpui hma ni 15 aia tlai lovah General Secretary hnen a thleng ngei ngei tur a ni.

d) General hruaitute General inkhawmpuia an kal man chu General Fund aṅanga pek tur a ni ang.

e) Pawl thiltih leh hmalakna kawng tinrenga thuneihna sang ber neitu chu General inkhawmpui hi a ni.

4) *Rorelna* :

- a) Thutlukna reng reng palai kal tam zawk remtihpuina a tihtluk vek tur a ni.
- b) Vote a inzat chuan Chairman-in duhthlanna vote a pe thei ang.

5) General inkhawmpuiaiah hengte hian report an pe ang:

- a) General Secretary
- b) General Treasurer
- c) Bial Secretaries

Section - 2 :

GENERAL BOARD:

- 1) Hruaitute leh member te:
 - a) General hruaitute
 - b) Bial President te
 - c) Puipate.
 - d) Executive Board Member te

- 2) A dinhmun :
 General inkhawmpuiin tihtur leh bawhzui tura a tukte rel leh bawhzui te, inkhawmpui inkara thil hman hmawh leh tul bik thila pawl enkawlina a mawh phurtu a ni ang.

Section - 3 :

EXECUTIVE BOARD

- 1) Hruaitute leh member te:-
 - a) General hruaitute

b) Puipate

c) General LAD Office bearer te leh Puipaten an ruat mi 5 aia tam lo.

2)A tihtur:

Inkhawmpui leh General Board inkar laka thuhmanhmawh reifel leh General inkhawmpui leh General Board rorel bawhzui a, pawlho enkawlnaah mawhphurtu leh budget ruahmantu a ni ang. Budget chu Financial Board kaltlangin Executive Committee-ah a thlen thin ang a, ennawn ngai emaw tihdanglam ngai emaw chu rawtna nen Financial Board-ah a thlen thin ang.

Section - 4 :

He pawl sum hi Mizoram UPC Executive Committee-in endiktu a ruat ten an endik thin ang.

PART - III

GENERAL HRUAITUTE

Section - 1 :

GENERAL HRUAITUTE CHU HENGTE HI AN NI ANG :

1)President

2)Vice-President

3)Secretary

4)Assistant Secretary

5)Treasurer

Section - 2 :

HRUAITUTERUATDAN :

Mizoram UPC Executive Committee-in hruaitute chu kum 2 atan a ruat thin ang a, an aiawh ruat an nih atanga ni 20 ral hmain charge an inhlán ang a, mi pakhatin dinhmun pangngai a zawnin term 2 a chelh thei lo vang.

Section - 3 :

HRUAITUTETIHTUR :1) *General President:*

- a) General inkhawmpui , General Board leh Executive Board a kaihruai ang.
- b) Pawl rorel kenkawh leh bawhzuina kawngah theihtawp a chhuah ang.

2) *Vice-President :*

General President thlawptu leh thawhpuitu a ni a, General President awmlöh/remchan loh lai a nih chuan General President hna a thawk ang.

3) *General Secretary :*

- a) General inkhawmpui, General Board leh Executive Board ah Secretary a ni ang.
- b) Pawl rorel bawhzuina leh kenkawhna kawngah President-te thawhpuitu a ni ang.
- c) Pawl hmalakna Register leh Record fel takin a vawng thin ang.
- d) President te nen inberawnin General Board emaw Executive Board emaw a ko thin ang.
- e) General Assembly leh General inkhawmpuiah pawl dinhmun report a pe thin ang.

4) *Assistant Secretary* :

Kawng hrang hranga General Secretary thlawptu leh thawhpuitu a ni.

5) *General Treasurer*:

Pawl sum enkawltu a ni a, fel takin a enkawl in engtiklai pawhin endik theihin a vawng tur a ni a. Ama thuin sum leh pai a pechhuak tur a ni lo va, tumah a puktir tur a ni lo.

PART-IV

BIAL

Section - 1 :

Kohhranpui bialin a huam china Tanpuitu Hmeichhe Pawl dingte chu a huam ang.

Section - 2 :

BIAL CONFERENCE :

- 1) Kumtinin vawi 1 neih ziah tur a ni.
- 2) A hun leh a hmun chu khawmpuiin a rel fel tur a ni.
- 3) *Rorel palaite*:
 - a) Bial chhunga pawl member zawng zawng
 - b) Tualchhung Adviser te.
 - c) General hruaitu biala awmte.
 - d) Bial kohhranpui hruaitu te.
- 4) Inkhawmpui chu Bialtu Pastor leh Bial Chairman -in an ho ngei tur a ni.

5) *Thu ngaihtuah tur :*

- a) Chunglam aṅanga thu lokal te.
- b) Tualchhung aṅanga thu lo lut te, President leh Secretary hming ziah hnan ngei.
- d) Official

6) *Rorelna:*

- a) Inkhawmpui ṅan hmain Agenda chu Secretary kutah a lut hman ngei tur a ni a. Chuta lut hman lo chu pawm theih a ni lo vang.
- b) Thu tlukna reng reng palai lo kal zatve aia tam remtihna a ni ngei tur a ni.
- c) Chunglama thehluh tur chi bakah bial chhung tana sum leh pai ama pualin a insiam thei ang.

Section - 3 :

BIAL BOARD :

1) *Hengte hi member an ni ang:*

- a) Bial hruaitute
- b) General hruaitu bial chhunga awmte.
- c) Tualchhung President leh Secretary leh Treasurer
- d) Bial Pastor chu Adviser a ni ang.
- e) Bial Chairman

2) *A tihtur leh dinhmun :*

Bial inkhawmpuiin tihtura a tuk bawhzui leh thil hmanhmawhthlak ngaihtuah a ni ang.

Section - 4 :

BIAL HRUAITUTE

1) *Hengte hi bial hruaitute an ni ang:*

- a) President
- b) Vice President
- c) Secretary
- d) Assistant Secretary
- e) Treasurer

2) HRUAITU NIH THEIHNA

Kohhranpui Bial Committee-in mi puitling leh tha nia a ngaih a ruat apiangte chu Bial hruaitu an ni thei ang.

3) HRUAITU HNA CHELH HUN CHHUNG :

Hruaitu hna chelh hun chhung chu kum 2 a ni ang a , a zawnin mi pakhatin hna pangngai term 2 a chelh thei lo vang.

4) HRUAITUTE TIHTUR

a) *Bial President :*

- i) Bial khawmpui leh Bial Board a kaihruai ang.
- ii) Bial Secretary nen inberawnin bial Board a ko ang.
- iii) Bial huapa hmalaknaah a sulsutu ber a ni.

b) *Vice President:*

Bial President thawhpuitu leh Bial President remchan loh laia a mawhphurhna kengkawhtu a ni.

c) *Bial Secretary :*

- i) Bial inkhawmpui leh Bial Board-ah Secretary a ni ang.

- ii) Pawl bungrua fel taka chhinchhiahin a vawng ang.
 - iii) Bial hmeichhe khawmpuite, bial kohhran khawmpuiah te leh pawl General inkhawmpuiah report a pe ang.
- d) *Assistant Secretary:*
Bial Secretary thawhpuitu leh Bial Secretary remchan loh laia a mawhphurhna kengkawhtu a ni.
- e) *Bial Treasurer:*
- i) Sum leh pai fel takin a vawngin Account bu a ziaak lut thlap tur a ni.
 - ii) Bial President remtihpuina lo chuan pawisa a pe chhuak tur a ni lo.
 - iii) General lama sum lut tur a hreng khawtlai tur a ni lo.
 - iv) Sum a dawnna lehkha receipt leh a pekna lehkha voucher a vawng fel tur a ni.
 - v) Englai pawha endik theihin account a vawng tur a ni.
 - vi) Ama thuin pawisa amahin emaw, midangin emaw a kut atangin an puk tur a ni lo.
- 5) He pawl sum hi bial kohhranpuiin sum endiktu a ruatte chuan an endik thin ang.

PART-V

TUALCHHUNG

Section - 1 :

A din dan:

Kohhran Committee-in an kohhranah tha an tih ang hunah an din thei ang a, a thiat leh theitu pawh Kohhran Committee a ni.

Section - 2 :

Member:

Danpui bung 8.Part I.no.3 angin Mizoram UPC member hmeichhia tupawh he pawlah hian member an ni thei ang.

Section - 3 :

HRUAITUTE:

1) Hengte hi hruaitute an ni ang :

- a) President
- b) Vice President
- c) Secretary
- d) Asst. Secretary
- e) Treasurer

Ṭul an tih chuan Financial Secretary Kohhran Committee ah an dil thei ang.

2) Hruaitute chu kum 2 emaw a aiawhtu ruat a nih hman atan Kohhran Committee-in a ruat ang.

- 3) Adviser chu Upa emaw, Licence nei emaw Kohhran Committee-in kum 2 atana a ruatte chu an ni.

Section - 4 :

COMMITTEE MEMBER TE:

- 1) Kohhran Committee-in hruaitu atana a ruatte chuan Adviser kaihhrainain Committee member turte an ruat ang.
- 2) Committee member zat tur chu Kohhran Committee-in a bituksak ang.

Section - 5 :

HRUAITU NIHNA:

Hruaitute chu kohhrana mi rinawm, sum leh pai leh mipat hmeichhiatna kawnga sawisel kai lo, mi piangthar dik tak an ni tur a ni. Inkhawm thlahthlam mi chu hruaitu atan an tling lo a ni.

Section - 6 :

PAWL TIHTUR :

- 1) Buhfaitham lakkhawm.
- 2) Chung lam atanga thu lo kal bawhzui
- 3) Mizoram UPC Memorandum No.3 a inziakte a hlawhtlin theih nana hmalak.
- 4) Kohhran kawng hrang hranga tanpui a, a theih ang anga sum leh pai thawh chhuah.

BUNG - 9

PENTECOSTAL THALAI PAWL (Pentecostal Youth Department)

PART-I

Section - 1 :

A HMING:

'Pentecostal Ṭhalai Pawl' (Pentecostal Youth Department) tih hi a hming a ni.

Section - 2 :

A HUAM CHIN

He pawlin a huam chin chu Mizoram UPC-in kohhran a dinna apianga Pentecostal Ṭhalai Pawl te chu a ni.

Section - 3 :

A THILTUMTE

- 1) Kohhran chak leh hmasawn nana Kohhran kut leh ke, ban pawimawh tak nih.
- 2) Ṭhalaite nun kawng siam ṭhat nana theihtawp chhuah.
- 3) Tisa leh Thlarau lama thalaite hmasawna tur ngaihtuaha beih.
- 4) Chanchin Tha famkim puan darh.

Section : 4.

MEMBER NIH THEIHNA :

- 1) Mizoram UPC member zinga ṭhalai tupawh kum 13-40 inkar, pawl thil tumte zah thiama tihhlawhtlin tum mite.
- 2) Member tinin kum tinin member nihna fee an pe ṭhin tur a ni. Fee chu PYD General inkhawmpuiin a zat a bituk ang.

Section - 5 :

PYDDAY:

March ni 4 chu he pawl ni (day) atan kumtinin hman tur a ni.

PART - II

GENERAL

Section - 1 :

GENERAL INKHAWMPUI :

- 1) Kumtin emaw kum khat danah emaw neih ṭhin tur a ni.
- 2) *Rorel palaite*:
 - a) Tualchhungtin atanga Pentecostal ṭhalai Pawl member dik tak lo kal te.
 - b) Puipate
 - c) Fulltime a thawk Bialtu Pastor te
- 3) *Agenda*:
 - a) Official

b) Bial atanga lo lut Bial President leh Bial Secretary-te hming ziaak hnan ngei. Letter head-a ziaak a nih loh chuan seal chhut hnan ngei a ni tur a ni.

c) Agenda reng reng chuan inkhawmpui hma ni 15 aia tlai lovah General Secretary hnen a thleng ngei tur a ni.

4) *Hruaitute kal man:*

General inkhawmpui a General Hruaitute kal man chu General Fund atanga pek tur a ni.

5) *Rorelna :*

a) Thu tlukna reng reng palai lo kal zatve aia tam remtihnaa tihtluk tur a ni.

b) Vote inzatah Chairman-in a duh lam tihtluk theihna vote a nei ang.

6) *Hengte hian Report an pe ang:-*

a) General Secretary

b) General Treasurer

c) Bial Secretary te

Section - 2 :

GENERAL BOARD

1) *Hruaitute leh member te:*

a) General hruaitute

b) Puipate

c) Bial President te

d) Executive Board member te

2) *A dinhmun:*

- a) General inkhawmpui inkara thil tul rel fel
- b) General inkhawmpui rorel bawhzui

Section - 3 :

EXECUTIVE BOARD

1) *Hruaitu leh memberte:*

- a) General Hruaitute
- b) Puipate
- c) General hruaitute leh Puipaten an ruat mi 5 aia tam lo.

2) *A dinhmun:*

Inkhawmpui leh Board thurel bawhzui leh thil hmanhmawh thlak rel fel leh Budget ruahman a, Financial Board kaltlanga Executive Committee-a thlen.

Section - 4 :

GENERAL HRUAITUTE

1) Hengte hi hruaitute chu an ni:

- a) General President
- b) Vice President
- c) General Secretary
- d) Assistant Secretary
- e) General Treasurer

2) HRUAITU NIH THEIHNA :

A bik takin General President atan chuan Executive Committee-in ÷ul tihna a nei a nihloh chuan kum 30 aia naupang lo, Upa emaw Licence nei emaw a ni tur

a ni. Hruaitu dangte chu Executive Committee-in tha leh tlinga a ngaih apiangte a ruat ang.

3) HNA CHELH HUN CHHUNG :

Hruaitu hna chelh hun chhung chu kum 2 zel a ni ang. Hruaitu pangngaiten a zawnin term hnih an chelh thei lo vang. Anmahni thlaktu tur ruat a nih aṅga ni 20 ral hmain hruaitu thar hnenah charge an hlan tur a ni.

4) HRUAITUTE TIHTUR

1) *General President* :

- a) General inkhawmpui, General Board leh Executive Board a kaihruai ang.
- b) Rorel tawhte a hlawhtlinna atana bawhzui.

2.) *Vice-President*:

- a) President kawng tinrenga thawhpuitu a ni ang.
- b) President awm loh laia thil hmanhmawthlak tih ngai a awm chuan Executive Chairman emaw, General Superintendent emaw berawnin a ṅul angin a lo tifel ṅhin ang.

3) *General Secretary* :

- a) General inkhawmpui, General Board leh Executive Board-ah Secretary a ni ang.
- b) Pawl rorel bawhzuina leh kenkawhna kawngah President-te thawhpuitu a ni.
- c) Pawl hmalakna Register leh Record fel takin a vawng ṅhin ang.

- d) General Assembly leh General inkhawmpuiaih pawl dinhmun report a pe ðhin ang.
- e) President nen inberawnin General Board emaw Executive Board emaw a ko ðhin ang.

4) *Assistant Secretary:*

Kawng hrang hranga General Secretary thawhpuitu leh thlawptu a ni.

5) *General Treasurer:*

- a) Sum leh pai lo lut te reng reng chu receipt nen fel takin a lo dawng ang a, a chhuak tur pawh General President hriatpuinain a pe ðhin ang.
- b) Englaipawhin endik mai theih turin account a vawng ang.
- c) Ama thuin pawl sum tumah a puktirin a hmang tur a ni lo
- d) General inkhawmpuiaih Department budget a pharh ðhin ang.

PART - III

BIAL

Section - 1 :

A HUAMCHIN :

Mizoram UPC General Assembly-in Pastor bial khat huam china a siam chhunga Pentecostal ðhalai Pawl te chu a huam ang.

Section - 2 :

BIAL HRUAITUTE :

Heng mite hi bial hruaitute an ni ang:

- 1) President
- 2) Vice President
- 3) Secretary
- 4) Asst. Secretary
- 5) Treasurer

Section - 3 :

HRUAITU NIH THEIHNA:

Kohhranpui Bial Committee-in tha leh tlinga a ngaih hruaitu atana a ruat apiangte.

Section - 4 :

HNA CHELH HUN CHHUNG :

Hruaitu hna chelh hun chhung chu kum 2 a ni ang. Hruaitu pangngaiin a hna ngai term hnih a chelh zawn thei lo vang.

Section - 5 :

CHARGE INHLAN HUN

Charge inhlán hun chu Bial Committee-in a ruat thin ang.

Section - 6 :

BIAL INKHAWMPUI :

- 1) Kum khat chhungin vawi 1 neih tur a ni.
- 2) Bial inkhawmpui chu Bial Pastor leh Bial Chairman-in an hman pui ngei ang.

- 3) *Rorel thei palai* : Tualchhung tina Ṭhalai Pawl member dik tak inkhawmpuia lo kal te chu rorel thei palai an ni.
- 4) Thu tlukna reng reng chu a tam zawk duh dana tihtur a ni. Vote inzat a awm chuan Chairman-in duh thlanna vote a pe thei ang.

Section - 7 :

BIAL BOARD :

1) *Member te*:

Hengte hi member an ni ang :

- a) Bial hruaitute
- b) Tualchhung tin President leh Secretary leh Treasurer te.
- c) Bialtu Pastor
- d) General hruaitu bial chhunga awm te.
- e) Bial Chairman

2) *Bial Board tihtur*:

- a) General lam aṭanga tihtur lo kal apiang bawhzui
- b) Bial inkhawmpui kar laka thil tul tihtur awmte lo bawhzui.
- c) Bial hmasawwna tur dap chhuah
- d) Bial huapa PYD Revival, Rally, Camp, Seminar etc.siam.

Section - 8 :

BIAL HRUAITUTE TIHTUR :

1) *Bial President*:

- a) Bial PYD inkhawmpui leh Board a kaihruai ang.

b) Bial chhunga Department thiltihna tinrengah mawhphurtu ber a ni ang.

2) *Vice President:*

Bial President thawhpuitu leh Bial President remchan loh laia a mawhphurhna lo kengkawhtu a ni.

3) *Bial Secretary :*

a) Bial PYD inkhawmpui leh Board-ah Secretary a niin record fel takin a vawng ang.

b) Bial PYD hmalakna hrang hrangte record fel takin a vawng ang.

c) Bial PYD inkhawmpui leh General PYD inkhawmpuiah report a pe ang.

4) *Assistant Secretary:*

Bial Secretary thawhpuitu leh Bial Secretary remchan loh laia a mawhphurhna lo kengkawhtu a ni.

5) *Bial Treasurer :*

a) Bial PYD inkhawmpuiah sum dinhmun a report thin ang.

b) Bial sum lut reng reng fel takin a vawng ang.

c) Englai pawha endik theih turin account a vawng ang a, President hriatpui lovin pawisa a pechhuak tur a ni lo.

PART -IV

TUALCHHUNG

Section - 1 :

A DIN DAN :

Kohhran Committee-in ṭul leh ṭha a tih hun apiangah a din thei ang.

Section - 2 :

MEMBER NIHNA :

Danpui Bung 9.Part I, Section no.4 anga awmte chu member an ni ang.

Section - 3 :

HRUAITUTE :

Hengte hi hruaitute an ni ang :

- 1) President
- 2) Vice-President
- 3) Secretary
- 4) Assistant Secretary
- 5) Treasurer
- 6) Tul an tih chuan Financial Secretary an nei thei ang.

Section - 4 :

HRUAITUTENIHNA:

Hruaitute chu kohhrana mi rinawm, sum leh pai leh mipat hmeichhiatna kawnga sawisel kai lo, piangthar dik tak an ni tur a ni. Inkhawm thlahthlam mi chu hruaitu atan an tling lo a ni.

Section - 5 :

HRUAITUTE RUAT DAN LEH HUN CHHUNG :

- 1) Hruaitute chu Kohhran Committee-in a ruat ang a, amaherawhchu Kohhran Committee-in ÷ul leh ÷ha nia a hriat chuan President ni lo hruaitu dangte chu anmahni zinga mi member ten an thlang ang.
- 2) Hruaitu chu kum 2 chhung atan emaw an aiawhtu tur ruat an nih hma atan ruat leh thlan an ni ang.
- 3) Hruaitu chu anmahni thlaktu tur ruat / thlan an nih a÷anga ni 7 ral hmain charge inhlan tur a ni.

Section - 6 :

ADVISER :

Adviser chu Upa emaw Licence holder zinga mi emaw tualchhung kohhran Committee-in kum 2 atan a ruat ang. Adviser hi kohhran Committee aiawha PYD te kawng hrang hranga thurawn petu a ni a. PYD Committee-ah leh thitihnaah a remchan dan anga tel ve ÷hin chu a mawhphurhna a ni

Section - 7 :

HRUAITUTE TIH TUR :

- 1) President :
 - a) PYD te thiltihna apiangah hruaitu hna a thaawk ang.
 - b) PYD te hmasawwna tur thil a ngaihtuah chhuakin chumi bawhzui tur chuan member te a tiphur thiam tur a ni.
 - c) Englai pawhin Adviser thurawn a ngaichang ÷hin tur a ni.

2) *Vice-President* :

President thawhpuitu a ni a, President awm remchan loh laia President anga hma latu a ani.

3) *Secretary* :

- a) A ṭul hun apiangah President thurawn angin Committee a ko ṭhin ang.
- b) Committee thurel fel taka ziakin a vawng ang
- c) PYD hnathawh leh hmalakna record awm chite chu fel takin a record ṭhin tur a ni.
- d) Bial PYD inkhawmpuiah report a pe ṭhin ang.

4) *Assistant Secretary*:

Secretary thawhpuitu a niin Secretary awm remchan loh laiin emaw a tul hunah Secretary hna a thawk ang.

5) *Treasurer* :

- a) Sum lut receipt nen fel taka ziakin a lo dawng anga, Financial Secretary hnenah ziahfel turin a pe ṭhin ang.
- b) Englai pawha endik theih turin a ṭangkafai kawl leh account bu a mi chu a inmil thlap tur a ni.
- c) Tangka a pekchhuah pawhin a dawngtu hnen aṭangin a voucher a la ang a, Financial Secretary hnenah a pe tur a ni.
- d) President hriatpuina lo chuan sum a pe chhuak tur a ni lo.

6) *Financial Secretary:*

- a) Sum lut leh chhuak receipt leh voucher nei Cash Book-ah fel takin a ziak lut thin ang.
- b) Englai pawha endik theih turin account a vawng tur a ni.

Section - 8 :

TUALCHHUNG PYD COMMITTEE :

- 1) Hengte hi member an ni ang:
 - a) Hruaitute leh Adviser
 - b) Thalai zinga mi Adviser hova hruaituten an ruat te.
- 2) Committee neih dan tur leh a kalphung:
 - a) Thlakhatah vawi 1 tal neih thin tur.
 - b) Tualchhung PYD kal dan leh rorelna kengkawhtu a ni.
 - c) PYD te hmasawna tur a ngaihtuah ang
 - d) Bial hruaitute chu an awmna tualchhungah Committee member an ni nghal ang.
- 3) Committee koh hman loh thu hmanhmawthlak siah chuan Adviser hovin President leh Secretary ten a tul angin hma an la thei ang.

BUNG-10**DANPUI CHUNGCHANGA
THUNEIHNA**

Section - 1 :

Danpuia thuneihna sang ber neitu chu General Assembly a ni.

Section - 2 :

Danpui chungchanga hriat thiam loh emaw, a thu tum dan inmil lo thilah Executive Committee-in a sawifiahna chu thutawpa pawm a ni ang.

Section - 3 :

Danpui siamthat leh tihdanglam ngai a awm chuan General Assembly rorel palai kalte zinga hmun thuma thena hmun hnih (two-third majority) te remtihna (vote) hmanga tih theih a ni ang.

Section - 4 :

Foreign (India ram pawn) a kohhran kan neihte chuan anmahni ram kalphung milin inkaihhruaina dan an siam thei ang.
